

四庫全書

子部

# 欽定四庫全書

子部

御定淵鑑類函卷一百

五十九  
六十

詳校官內閣學士臣尹壯圖

主事臣祁韻士覆勘

總校官檢討臣何思鈞

校對官中書臣馮培

謄錄監生臣朱上林

欽定四庫全書

御定淵鑑類函卷一百五十九

禮儀部六

封禪  
非禮附

蒐狩

示仁附

封禪一

原禮記曰昔先王因天事天因地事地因名山升中于

天

中成也祭天  
告以成功也

詩曰於皇時周陟其高山 白虎通

曰天以高為尊地以厚為德故增太山之高以效天附  
梁父之厚以報地 又曰易姓而起必升封太山何報

告之義也 又曰或曰封者金泥銀繩或曰石泥金繩  
封之以印璽 帝王世紀曰黃帝得寶鼎興封禪有景  
雲之瑞故以雲紀官為雲師 史記曰齊桓公欲封禪  
管仲曰古封太山禪梁父七十二家夷吾所記十有一  
焉無懷氏封太山禪云云顓頊封太山禪云云神農封  
太山禪云云炎帝封太山禪云云黃帝封太山禪亭亭  
帝嚳封太山禪云云堯封泰山禪云云舜封泰山禪云  
云禹封泰山禪會稽湯封泰山禪云云周成王封太山

禪社首皆受命然後得封禪古之封禪鄔上之泰北里  
之禾所以為盛江淮之間一茅三脊所以為藉東海致  
比目之魚西海致比翼之鳥然後有不召而自至者十  
有五焉 又曰秦始皇既并天下即帝位徵齊魯儒生  
博士七十人至泰山下議曰古者封禪為蒲車惡傷山  
之土石草木始皇上泰山立石頌始皇德明其得封也  
封藏皆秘世不得而記也始皇上泰山中坂遇風雨休  
於樹下諸儒生譏之 又曰封禪則不死黃帝是也乙

卯命侍中儒者皮弁薦紳射牛行事封太山如郊太一

禮 又曰縱遠方奇獸蜚禽及白雉以加禮皆至泰山

其夜若有光晝有白雲起封中 漢書曰元封元年四

月癸卯上還登封泰山孟康注云王者功成治定告成

於天刻石紀號有金策石函金泥玉檢之封 增其秋

有星孛于東井後十餘日有星孛于三能

能讀曰台

望氣王

朔言候獨見填星出如瓜食頃復入有司皆曰陛下建

漢家封禪天其報德星云 二年夏旱公孫卿曰黃帝

時封則天旱乾封三年上乃下詔天旱意乾封乎 原

漢書曰倪寬對策云其封泰山禪梁父昭姓考功此帝

王之盛節 增光武建武三十年羣臣上言宜封禪詔

曰即位三十年百姓怨氣滿腹吾誰欺欺天乎曾謂泰

山不如林放何汙七十二代之編錄桓公欲封管仲非

之若郡縣遠遣吏上壽盛稱虛美必髡兼令屯田從此

羣臣不敢復言 原續漢書曰建武三十二年上許梁

松等奏乃求元封時故事議封禪所施用有司奏當刻

玉璽一枚方寸三分玉版方五寸 又曰上以用石功

難又欲及二月封故詔梁松欲因故封石空檢更加封而已松上疏爭之以為承天之敬尤宜章明奉圖書之瑞尤宜明著今因舊封竄寄玉牒故石下恐非重受命之義 又曰御輦升山日中後到山上即位於壇南北面帝升壇尚書令奉玉牒檢皇帝以寸三分璽親封之漢官儀曰封禪泰山就武帝封處累其石發壇置玉牒書封石此中復封石檢 又曰泰山東名曰日觀日



觀者雞一鳴時見日始出北有石室壇南有盤中有玉  
龜南脅神泉飲之極清美 又曰建武三十二年東巡  
狩正月二十八日發洛陽宮二月九日到魯十二日宿  
奉高十五始齋十九日之山虞國家居亭百官布野此

日上山雲氣成宮闕百姓皆見 封禪儀注曰持禮凡

三十人上發壇上十石函一作礎 蓋尚書今北向跪藏玉

牒畢持禮覆石函尚書令封上十石檢亦纏以金繩泥

雜用四方土各依其色 增文獻通考魏明帝時中護

軍蔣濟請封禪帝雖拒濟議而實使高堂隆草封禪儀  
以天下未一不欲便行大禮會高堂隆卒不行 原吳  
志曰孫皓天璽元年陽羨山有石室所在表為天瑞乃  
遣兼司徒董朝兼太常周處封禪國山明年改元大赦  
以協石文 王隱晉書曰武帝時有司奏晉德隆茂光  
被四表吳會既平六合為一宜勅封岳以彰聖德詔曰  
此盛德之事非所議也 增宋文帝在位長久有意封  
禪詔學士山謙之草具儀注屬魏師南逼其意乃息孝

武大明元年太宰江夏王義恭表三請帝以文軌未一  
不從 原宋書江夏王義恭表云雕氣降零於宮榭珍  
露呈味於禁林宜其脩封泰山瘞玉岱趾 增宋書禮  
志曰永光三年高祖將掃戎狄渾一天宇會計洛陽秩  
禮名嶽羣臣且相謂曰須王振旅飲至隴朔無塵當議  
奏封禪脩升中之禮縉紳文者或曰宜然自漢光武登  
封之後斯絕矣 孫言宋書曰袁淑為吏部郎太祖元  
嘉二十六年大舉北討淑侍坐從容曰盛王令典廢壞

永久今當鳴鑾中嶽疾卷趙魏檢玉岱宗今其時也臣  
逢千載之會願上封禪書一篇使聲齊七十二代帝曰  
盛德之事何足以當之 文獻通考梁武帝天監中有  
請封會稽禪國山者帝命諸儒草封禪儀欲行之著作  
郎許懋建議曰舜柴岱宗是為巡狩而鄭引孝經鉤命  
決云封于泰山考績燔燎禪于梁甫刻石紀號此緯書  
曲說七十二君燧人之前世質民淳安得泥金檢玉結  
繩而治安得鐫文告成妄亦甚矣若聖主不須封禪若

凡主不應封禪秦始皇嘗封泰山孫皓嘗封國山皆由  
主好名於上而臣阿旨於下非盛德之事不可為法也  
上嘉納之因推演懋議稱制旨以答請者由是遂止

隋文帝開皇九年平陳朝野皆請封禪詔曰豈可命一  
將軍除一小國遐邇注意便謂太平以薄德而封名山  
用虛言而干上帝非朕攸聞今後言及封禪宜即禁絕  
十四年晉王廣帥百官抗表固請封禪帝令牛弘等  
創定儀注既成帝視之曰茲事體大朕何德以堪之但

當東巡因致祭泰山耳 唐太宗貞觀初羣臣並請封

禪惟魏徵以為不可太宗曰朕欲卿極言之豈功不高

耶德不厚耶彝翟不慕耶嘉瑞不至耶年穀不登耶何

謂而不可對曰陛下功則高矣而民未懷惠德則厚矣

而澤未滂流諸夏雖安矣未足以供事遠彝慕義矣無

以供其求符瑞雖臻爵羅猶密積歲豐稔倉廩尚虛此

臣所以竊為未可臣未能遠比且借喻于人今有人十

年長患療治且愈皮骨僅存便欲使負米一石日行百

里必不可得隋氏之亂非止十年陛下為之良醫除去  
疾苦雖已乂安未甚充實告成天地臣竊有疑且陛下  
東封萬國咸萃要荒之外莫不奔走令伊洛已東暨於  
海岱藿莽巨浸茫茫千里人煙斷絕雞犬不聞道路蕭  
條進退間阻豈可引彼羣翟示以虛弱竭財以賞未厭  
遠人之望加年給復不償百姓之勞或遇水旱之灾風  
雨之變庸夫橫議悔不可追豈獨臣之懇言亦有與人  
之誦太宗不能奪於是乃止焉 又曰貞觀六年文武

百官以初平突厥盛德被於海內又年穀累登表封泰山太宗謂侍臣曰朕每見衆議以封禪為盛事勸朕行之如朕本心但使天下太平家給人足雖闕封禪之禮亦可以比德於堯舜昔始皇為合天心自稱皇帝登封岱宗奢侈自矜漢文竟不登封而躬行節儉刑措不用今皆稱始皇暴虐之主漢文為有德之君以此言之無假封禪 高宗乾封元年封泰山為圓壇山南四里如園丘三壇壇上飾以青四方如其色號封祀壇玉策三



以玉為簡長一尺二寸廣一寸二分厚三分刻以金文  
玉匱一長一尺三寸以藏上帝之冊金匱二以藏配帝  
之冊纏以金繩五周金泥玉璽璽方一寸二分又如受  
命璽石璽以方石再累皆方五尺厚一尺刻方其中以  
容玉匱璽旁施檢刻深三寸三分闊一尺當繩刻深三  
分闊一寸五分石檢十枚以檢石璽皆長三尺闊一尺  
厚七分印齒二道皆深四寸當璽方五寸當繩闊一寸  
五分檢立於璽旁南方北方皆三東方西方皆二去璽

隅皆一尺礧纏以金繩五周封以石泥距石十二分距礧隅皆再累皆闊二尺長一丈斜刻其首令與礧隅相應又為壇於山上廣五丈高九尺四出陛一壇號登封壇玉檢玉牒石礧石距玉匱石檢皆如之為降禪壇于社首山上八隅一成八陛如方丘三壇上飾以黃四方如其色其餘皆如登封其議略定而天子詔曰古今之制文質不同今封禪以玉牒金繩而瓦尊匏爵結席宜改從文於是昊天上帝褥以蒼地祇褥以黃配褥皆以

紫而尊爵亦更焉是歲正月天子祀昊天上帝于山下  
之封祀壇以高祖太宗配如園丘之禮親封玉冊置石  
礧聚五色土封之徑一丈二尺高九尺已事升山明日  
又封玉冊於登封壇又明日祀皇地祇于社首山之降  
禪壇如方丘之禮以太穆皇后文德皇后配而以皇后  
武氏為亞獻越國太妃燕氏為終獻率六宮以登其帷  
帟皆錦繡羣臣瞻望多竊笑之又明日御朝覲壇以朝  
羣臣如元日之禮乃詔立登封降禪朝覲之碑名封禪

壇曰舞鶴臺登封壇曰萬歲臺降禪壇曰景雲臺以紀瑞焉 明皇開元十二年四方治定歲屢豐稔羣臣多言封禪張說又固請乃下制以十三年有事於泰山於是說與徐堅等刊定儀注立圓臺于山上廣五丈高九尺土色各依其方又於圓臺上起方壇廣一丈二尺高九尺其壇臺四面為一階又積柴為燎壇于圓臺之東南量地之宜柴高一丈二尺方一丈開上南出戶六尺又為圓壇於山下三成十二階如圓丘之制又積柴于

壇南為燎壇於山上又為玉冊金匱石礪皆如高宗之制明皇初以謂升中于崇山精享也不可喧譁欲使亞獻以下皆行禮山下壇名禮官講議學士賀知章等言夫昊天上帝君也五方精帝臣也陛下享君於上羣臣祀臣於下可謂變禮之中然禮成於三亞終之獻不可異也於是三獻皆升山而五方帝及諸臣皆祭山下壇明皇問前世何為祕玉牒知章曰玉牒以通意于天前代或祈長年希神仙旨尚微密故外莫知帝曰朕今為

民祈福無以祕為即出玉牒以示百寮其詞曰有唐嗣  
天子臣某敢昭告于昊天上帝天啓李氏運興土德高  
祖太宗受命立極高宗升中六合殷盛中宗紹復繼體  
不定上命眷祐錫臣忠武底綏內艱推戴聖父恭承大  
寶十有三年敬若天意四海晏然封祀岱岳謝成于天  
子孫百祿蒼生受福 宋太宗興國八年泰山父老千  
餘人詣闕請東封上謙讓不允中外羣臣獻歌頌稱功  
德請封禪者不可勝計雍熙元年羣臣三上表陳請詔

以今年十一月有事於泰山尋以乾元文明二殿灾詔  
罷封禪 真宗祥符元年兗州父老呂良等千二百七

十八人詣闕請封禪上曰此大事不可輕議知州邵晔  
又率屬官及兗州進士孔謂等伏闕陳請宰相王旦率  
文武百官諸軍將校州縣官吏蕃夷僧道耆壽二萬四  
千七十人詣東上閣門請封泰山詔不允又四表懇請  
乃詔以今年十月有事於泰山 九月朔詔審刑院開  
封府勿奏大辟案十月禁天下屠宰上自告廟即屏輦

始羣臣三上表以道塗寒沍請復常膳不許又令自進  
發至行禮前並禁樂有司請登封日園臺立黃麾仗至  
山下壇設權火將行禮然炬相屬又出漆牌遣執杖者  
傳付山下牌至公卿就位皇帝就望燎位山上傳呼萬  
歲下即舉燎皇帝還大次解嚴又傳呼而下祀官始退  
又社首瘞坎亦設權火三為準從之上遣司天以漏壺  
先設山之上下及以日晷覆校復於壇側擊板相應自  
太平頂天門黃峴岱岳觀各以長竿揭籠燈下照參候



不愆其節辛卯車駕發京師至鄆州令從官衛士蔬食  
丁未次奉高宮戊申清齋于穆清殿諸司陞山人官給  
衣令祀日沐浴服之庚戌上服通天冠絳紗袍乘金輅  
備法駕至山門幄次改服鞞袍乘步輦登山鹵簿儀衛  
列于山下黃麾仗衛士親從卒自山趾盤道至太平頂  
兩步一人綵繡相間樹當道者令勿伐幄止以繒帛縈  
之路經峻隘上必降輦徒步有司議並扶衛皆却之導  
從者或至疲頓而上辭氣益壯至迴馬嶺以天門斗峻

給從官橫板選親從卒推引而上衛士皆給釘鞋上至  
衛幄召近臣觀玉女泉及古碑前一夕山上大風裂帟  
幕遲明未已及上至天氣溫和織羅不動祀官點饌習  
儀於園臺祥光瑞雲交相輝映是夕山下罷警場辛亥  
設昊天上帝位於園臺奉天書於坐左太祖太宗並配  
西北側申祖宗恭祀之意上服袞冕陞臺奠獻侍從導  
衛悉減去拂翟止於壝門籠燭前導亦徹之中書侍郎  
讀玉牒文曰有宋嗣天子臣諱敢昭告于昊天上帝運

啓大同惟宋受命太祖開階功成治定太宗膺圖重熙  
累盛粵惟冲人不承列聖一紀于茲四隩來暨時和年  
豐羣生咸遂僉議大封聿申昭事躬陟喬岳對越上元  
祈福逮下侑神奉先天祿無疆靈休允迪萬乘其昌允  
保純錫令羣官享諸神於山下封祀壇上還次司天監  
跪奏慶雲繞壇月有黃輝氣宰臣率從官稱賀即日還  
仗奉高宮士子禪祭社首山如封祀之禮上至山下服  
韡袍步出大次侍臣言山路峻滑請乘步輦上曰接神

在邇敢不徒行五使等復固請終不許前夕陰晦風勢  
勁猛不能燃燭及行事風頓止天宇澄霽燭焰凝然封  
石礧訖紫氣蒙壇法駕還奉高宮日輪五色雲見鼓吹  
振作觀者塞路懽呼動天地國朝以來四方所獻珍禽  
奇獸悉縱於山下癸丑御朝覲壇大赦天下改乾封縣  
曰奉符配坐金匱迴日奉置太廟本室上作登泰山謝  
天書述二聖功德銘初王欽若言唐高宗明皇二碑之  
東石壁南向平峭欲即崖成碑以勒聖製上曰朕之功

德故無所紀若須撰述不過謝上天敷祐敘祖宗盛美  
爾又詔王旦撰封祀壇頌王欽若撰社首壇頌陳堯叟  
撰朝覲壇頌改太平頂曰太平嶺先是太山多陰翳雷  
雨及工徒陞山景氣晴爽上之巡祭也往還四十七日  
未嘗遇雨雪嚴冬之候景氣怡和祥應紛委咸以為誠  
感昭格天意助順之致也 文中子曰封禪非古也其  
秦漢之侈心乎太史公作封禪書則以為古受命帝王  
未嘗不封禪且引管仲答齊桓之言以為古封禪七十

二家自無懷氏至三代皆有之蓋出於齊魯陋儒之說

詩書不載非事實也 原河圖真紀曰王者封泰山禪

梁父易姓奉度繼興崇功者七十二人 河圖會昌符

曰漢太興之道在九代之王封於泰山刻石著紀禪於

梁父退省考功 孝經鉤命決曰封乎泰山考績燔燎

禪乎梁父刻石紀號垂度示典功平致教 尚書中候

曰昔古聖王功成道洽符瑞出乃封泰山今比目之魚

不至鳳皇不臻未可以封鄭康成注比目東方異氣所

生名鰈

增五經通義曰易姓而王太平必封泰山禪

梁父何天命已為王使理羣生也或曰封以黃金為泥以銀為繩經無明文以義說之所以止封岱泰山者五岳之長羣神之主故獨封於泰山告太平於天報羣神之功也禪梁父者泰山之支屬能配泰山之德也風俗通曰封禪必於岱宗者長萬物之始陰陽交代觸石而出膚寸而合不崇朝而遍雨天下惟泰山乎封禪之制石高丈二尺刻之曰事天以禮立身以義事父以孝

成名以仁四夷八蠻咸貢其職 又曰封泰山禪梁父

說岱宗上有金匱玉策能知人年壽脩短武帝探得十

八倒讀曰八十其後果用耆長 桓譚新論曰泰山之

上有刻石凡千八百餘處而可識知者七十有二 袁

淮正論曰封禪之言惟周官有王大封之文齊桓公欲

封禪聞管仲言而止焚燎祭天皆王者之事非諸侯之

所爲也是以學者疑焉後秦一主漢二君脩封禪之事

其制為封土方丈餘崇於泰山之上皆不見於經秦漢



之事未可專信管仲云禹禪會稽告天則同祭地不得異也會稽而可禪四岳皆可封也夫洛陽者天地之所合嵩高者六合之中也今處天地之中而告於嵩高可也奚必於泰山 王嬰古今通論曰泰山上為天門值戶戶為明堂聖帝受天官之宮也王者即位三十年功成治定則告成於天登封泰山刻石紀號 原太康地紀曰奉高者以事東岳帝王禪代之處也故明堂在縣南四里漢武立太壇於東山以登天下示增高 司馬

相如封禪書曰業隆於襁褓崇冠乎二后揆厥所元終  
都攸卒未有殊尤絕迹可存於今然猶躡梁父登泰山  
建昭號書尊名將襲舊六為七攄之無窮俾萬世得激  
清流揚微波飛英聲騰茂實應劭注襁褓謂成王也二后文武也張華  
議曰海內歸心符瑞之應備物之盛未有若今之富者  
正宜禮中岳封泰山發德號明至尊厚福慶篤黎民

封禪二

原承天

報地

並詳封禪一

降禪

升封

謝靈運泰山吟曰岱宗秀維岳

崔嵬刺雲天登封瘞崇壇降  
禪藏肅然下詳封禪一

建號著紀並詳封  
禪一

加厚

增高

見白虎通  
詳封禪一

封金

刻石

金策

石檢

金印

玉璽

以上並詳  
封禪一

三脊

六穗

史記天子獨  
與侍中奉車

子侯上泰山亦有封其事后祭明  
山下吐東北肅然山如祭后土禮  
天子皆親拜見衣上黃而盡用樂  
焉江淮間茅三脊為神藉司馬相  
如封禪書導一莖六穗于庖注導  
擇也一莖六穗謂擇嘉禾

之米于庖  
以供祭祀

西鵜

東鰈

謝莊表請封禪奏曰江淮鄣  
上之使結軌於壁門西鵜北

采之譯相望於道  
路下詳封禪一

檢玉

泥金

並詳封  
禪一

探策

封

檢

並詳封  
禪一

石室

天關

並詳封  
禪一

日觀

雲關

並詳  
封禪

一 合符

展采

漢書公孫弘曰黃帝封東岳泰山禪

禪書因雜縉紳先生之略術使獲曜日月之末光  
絕災以展采錯事猶兼正列其義而祓飾厥文 尊

名

盛節

並詳封禪一

秦雨

漢雲

並詳封禪一

石蓋

金

繩

上見封禪儀注並詳封禪一

仙閣

天門

漢書上脩五年之禮而加禪祠石閣石閣

者在泰山下陟南方方士言仙人閣也 漢官儀  
泰山下直上七十里至天門如從穴中窺天窓矣 勒

石

瘞玉

上見桓譚新論並詳封禪一

射牛

縱雉

並詳封禪一

方

岳 圓壇

韋曜毛詩問答時邁之詩巡狩祭告方岳也  
鄭注天子巡狩邦國至方岳之下而封禪

下見續漢書  
詳封禪一

玉盤

石礧

玉檢

石泥

受符

奉牒

事天

詳封禪一

禮地

史記封禪書上遂東巡海上還至奉高上念諸儒及方士

言封禪人人殊不經難施行天子至梁父禮祠地主

報德

東觀光武紀中元元年羣臣復奏言登封

告成為民報德百王所同也

告平

見五經通義詳封禪一

發德號

飛英

聲

已上並詳封禪一

揚仁風

騰茂實

張華封禪儀肇自生人則有后辟載化之

數莫之能紀大德齊代揮揚仁風下詳封禪一

禮高里

漢書武帝紀太初元年冬十月行幸

泰山十一月甲子朔旦冬至祀上帝於明堂乙酉柏梁災十二月禮高里伏儼注高里山名在泰山下

登介丘

司馬相如封禪書蓋周躍魚隕杭休之以燎微夫斯之為符也以登介丘不亦愬乎應劭注介

大丘也言周以白魚為瑞登太山封禪不亦愬乎

接神仙

史記封禪書天子既聞公孫卿及方

士之言黃帝以上封禪皆致怪物與神通欲放黃帝以  
上接神仙人蓬萊士高世比德于九皇而頗采儒術以

文承靈瑞  
祭祀志光武封泰山甲午禪於梁陰以承靈瑞

以為兆民永茲一字垂於後昆百寮從  
臣郡守師尹咸蒙祉福永永無極也  
廣符瑞  
司馬相如

封禪書天子沛然改容曰俞乎朕其試哉乃遷思回慮  
總公卿之議詢封禪之事詩大澤之博廣符瑞之富孟

康曰詩所以詠功德  
汗編錄  
典略建武三十年有司奏封禪詔曰災異連仍

謂下四章之頌也  
日月薄蝕百姓怨歎而有事泰山汗七  
名山望來  
司馬

十二代編錄以羊皮雜貂裘何強顏耶  
相如封禪書萬物熙熙懷而慕思名山  
設壇望幸  
又

顯位望君之來君乎君乎侯不邁哉  
下德侔往初功無與二休烈浹洽符瑞東變期應紹至  
不特創見意者泰山梁父設壇場望幸蓋號以况榮上

帝垂恩儲社將以慶成陛下謙讓而弗發也孟康注意者言泰山梁父設壇場望聖帝往封禪紀號以表榮名也

### 奉符行事

又夫脩德以錫符奉符以行事不為進越故聖王弗替而脩禮地祇謁款天神

勒功中岳以彰至尊

### 特牲告祠

續漢書祭祀志建武三十二年二月辛卯晨燎祭天於泰山下

或曰泰山雖已從食於柴祭今親升告功宜有禮祭於是使謁者以一牲特於祠泰山處告祠泰山如親耕鉅

劉先祠先農先虞故事

### 岱宗為長

詩含神霧云五岳視三公岱宗為之長封禪往焉

### 高帝配天

漢官儀建武三十二年駕東巡二月二十二日祭日中到山禮畢羣臣稱萬歲有頃詔百

官以次下明日問起居二十四日發至梁父九十里夕牲二十五日禪祭於梁陰以高帝配天以高后配地

### 必於岱宗

見風俗通詳封禪一

### 必於泰山

白虎通封禪所以必於泰山何萬物

所交代之處也

吉日刻玉

續漢書祭祀志以建武三十二年為中元元年復博奉高靈勿出元

年租芻蕘以吉日刻玉牒書函藏金匱璽印封也

辛卯登封

漢官儀建武三十二年二月二

十二日辛卯登封泰山

輦人挽升

封禪儀建武三十二年東巡二月二十一日夕牲二十二

日祭燔燎禮畢百官各以次上國家御首輦人挽升山至中觀休須臾復上

太常治禮

官漢

儀建武三十二年登封泰山尚書令奉玉牒檢皇帝親封畢太常治禮

先上刻石

祭祀志建

武三十二年正月詔梁松等復按索河洛識文言九世封禪事者松等列奏乃許焉使泰山郡及魯趣石工刻

方石中命容玉牒二月上至奉高遣侍御史與蘭臺令史將工先上山刻石

先之觀壇

封禪

儀記車駕東巡二月十五日始齋某等七十人先之山虞觀祭山壇

玉牒金縷

祭祀志檢用金



縷五周以水銀和金以為泥玉

金繩石泥

封禪儀以

石為泥東方西方各三檢檢中石泥

青氣上屬

漢官儀光

武登封泰山禮畢羣臣稱萬歲音動山谷有青氣

黃

鵠來壇

詳祭祀總載

山呼萬歲

漢書武帝紀詔曰親登嵩

咸聞呼萬

氣成宮闕

詳封禪一

降坐明堂

漢書武帝紀上登封泰山

降坐明堂注初天子封泰山泰山東北陲古時

藏書

方石

後漢書祭祀志光武求元封時封禪故事有司奏

檢十枚列於石旁

建武事

應劭漢官儀載漢武封禪

又用石碑以刻書

御定四庫全書

二十一

往往道峻峭下騎步牽馬乍步乍騎且相半至中觀畱  
馬仰望天關如從谷底仰觀抗峰其為高也如視浮雲  
其峻也石壁窅窳如無道境遙望其人或為白石或如  
雲久之白者移過樹乃知是人也殊不可上四布僵卧  
石上復勉強相將行到天關自謂已至也問道中人言  
尚十餘里其道傍山脅仰視巖石松樹鬱鬱蒼蒼若任  
雲中俛視谿谷碌碌不可見丈尺直上七里賴其羊腸  
逶迤名曰環道往往往絙索可得而登也兩從者扶掖前  
人相牽後人見前人履  
底前人見後人頭頂

太康奏

宋書太康元年冬有司奏自古聖明封禪

名山著於史籍今宜祖述先朝憲章古昔勒功岱岳登  
封告成揚名萬世以顯祖宗請告太常具儀禮上復詔  
曰所議誠前烈之盛事也  
方今未可以爾便報絕之

齊黃軒

文選登封降  
禪齊乎黃軒  
勒

漢武

漢武勒  
而虛美

登岱勒封

與黃  
比崇

封岱勒成

以紀太  
平之功

何必泰山

表子正論嵩高六合之中何必泰山

誰敢欺天

建武詔詳封一

咸

五登三

石紀

金字

紀德

銘功

紀聖號

編金策

閉以玉檢

封以金泥

踐三五之遙迹

踵八九之遐武

文選注八九謂七十二君也

增德隆光被

功成

道洽

陽羨石室

奉高太壇

脩封瘞玉

發壇置

牒

昭姓考功

垂度示典

尚書藏牒

皇帝親封

封禪三

原詩唐李義府羨陪封禪詩曰天齊標巨鎮日觀啓崇

期宕堯臨渤澥隱嶙控河沂眇迴分吳乘凌高屬漢祠  
建岳誠為長升功諒在茲帝猷符廣運元範暢文思飛  
聲總地絡騰化撫乾維瑞冊開珍鳳禎圖薦寶龜創封  
超昔夏脩禪掩前姬東后方肆覲西都導六師石閣環  
藻衛金壇映黻帷仙階溢鄙黍靈檢耀祥芝張樂紛韶  
護觀禮縱華夷佳氣浮丹谷榮光泛綠坻三始昭遐貺  
萬歲受重釐

原表唐李百藥勸封禪表曰大禮與天地同節大樂與

天地同和六宗五帝禋祀惟永名山大川饗禮無輟而告成方岳獨異師古自朝及野馳心蕩慮伏願御六氣之辨順四序之和升彼岱宗具斯盛禮聽萬歲之逸響紹千載之遐蹤 朱子奢請封禪表曰臣聞天地之大德曰生遂其生者元后聖人之大寶曰位固其位者上元豈可不對越壇場欽若穹昊雖復舜格文祖周變商俗體淳德而揖讓濟澆道於干戈步驟之迹以殊損益之功斯異誠有之矣至於詔蹕梁父張樂介丘增類帝

之封典射牛之禮考績裡燎繼蹤韶夏豈殊道也 岑

文本勸封禪表曰伏願順萬國之歡心膺三靈之睠命  
備天官以周衛盛輿服以巡遊五輅齊列六龍按轡瞻  
岱郊而啓輶指羸里為一息詔卿士延禮官設壇場陳  
玉帛裡六宗而報上帝班五瑞以朝諸侯成天下之壯  
觀紹帝王之盛節俾夫山稱萬歲壇燭神光播厚福於  
無窮揚鴻徽於來裔 高若思勸封禪表曰伏願褰旒  
寫照洽羣請於帝俞開曠垂矜遂微懇於人欲騰茲璽

誥激彼天波徵萬玉以警途詔八神而弭策藉江茅而  
陳鄔黍飾蒼壁而奠黃琮馳萬歲以飛聲接九重而媿  
美使編珠毓貺開麗色於金泥觸石凝禎蕩浮華於石  
礪式昭昌祚永播鴻名凡在生靈義深聳踴

增議唐顏師古封禪議曰將封先祭義在告神且備款  
謁之儀方展慶成之禮固當為壇下距預申齋潔贊饗  
已畢然後登封既表慎重之深兼示行事有漸今請祭  
於山下封於山上四出開壇道場通議南面入升於事

為允今請山上園壇廣五尺高九尺用五色土為之四面各設一陛御位在壇南升自南陛而就行事舊藏玉牒止用石函亦猶書盛篋笥所以或呼為石篋然其形大質重轉徙非易岱宗儻無此石皆應取自他山所以不為混成累輯而作大要在於周固稽其縝密而近代儀注更名石礧礧非稽古之文本無義訓可尋羸縮之間貴在折中不煩紛議更增疑惑今請方石三枚以為再累其十枚石檢刻方石四邊而立之纏以金繩用備



檢約凡言封者皆是積土之名利建分封亦以班社立  
號謂之封禪厥義可知今且置牒壇上止因累石不加  
繕築即以為封匪惟嚴秘之道有如簡率亦乃名實不  
副理恐乖爽今請於園壇之上安置方石封印既訖加  
五色土築以為封高一丈二尺而廣二丈金玉重寶質  
性堅貞宗祀嚴禋皆充器幣豈嫌華靡實貴精確況乎  
三神壯觀萬代鴻名禮極殷崇事資藻緝玉牒玉檢式  
韞靈琦傳之無窮永存不朽至於廣袤之數足以載文

辭絨束之方務在申膠固今宜立制隨時損益豐功厚  
德既以跨躡前蹤盛典宏規無勞一遵曩式今請玉牒  
長一尺二寸廣厚各五寸玉檢厚二寸其印齒疎密隨  
印大小距石之設意取牢固本資實用豈云巧飾今既  
積土厚封更無差動天長地久寧假支持斜設橫安請  
並弗置勒石紀號垂裕後昆美盛德之形容闡后王之  
休烈其義遠矣其事尚焉我皇聲暢九垓威橫八極靈  
祇不愛其寶兆庶無得而稽但當贊述希夷以攄臣下

之至具祭壇之例登封之所肆覲萬國受記百神固宜  
刻頌顯揚功業至如小距環壇石闕別樹事非經據無  
益禮儀煩而非要請從減省神靈璽寶而弗用由來無  
所施行其六璽雖以封書莫不披於羣下受命之璽登  
封則用昭事上元表茲介福休徵緯兆豈因常貫又封  
檢之璽分寸不同即事而言請並更造既順肅虔之理  
永垂創制之名禪壇制度請從新禮行事儀式亦並依  
之自外委細不載於文者職在所司隨事量定詔旨集

公卿及儒生學士議登封事謹依訪聞具件如右 裴  
守真封禪射牲議曰據周禮及國語昭示天地天子自  
射其牲漢武惟封泰山令侍中儒者射牛行事至於餘  
祀亦無射牲之文但親舂射牲雖是古禮久從廢省難  
以施行據封禪禮祀日未明十五刻宰人以鑾刀割牲  
質明而行事比鑾駕至時牢牲總畢天皇惟奠玉獻酌  
而已今若祀前一日射牲之事即傷早祀日方始射牲  
事又傷晚若依漢武故事即非親射之儀事不可行請

從減罷

蒐狩一

原毛詩曰騶虞鵲巢之應也鵲巢之化行人倫既正朝廷既治天下純被文王之化庶類蕃殖蒐田以時仁如騶虞則王道成也班固白虎通曰王者諸侯所以田狩者何也為田除害上以供宗廟下以簡集士眾也故爾雅曰春獵為蒐夏獵為苗秋獵為獮冬獵為狩郭璞注云蒐為搜索取不任者苗為苗稼除害獮為順殺氣

狩為得獸取之無所擇此則為田除害之義 增易曰

即鹿無虞以從禽也 又曰田獲三品 又曰田獲三

狐 又曰王用三驅失前禽也 又曰庖犧氏之王天

下也結繩而為網罟以佃以漁蓋取諸離 史記殷本

紀湯出見野張網四面祝曰自天下四方皆入吾網湯

曰嘻盡之矣乃去其三面祝曰欲左左欲右右不用命

乃入吾網諸侯聞之曰湯德至矣及禽獸 詩曰田車

既駕四牡孔阜東有甫草駕言行狩之子于苗選徒囂

囂建旄設旄搏獸于教 又曰奉時辰牡辰牡孔碩公

曰左之舍拔則獲 又曰徒御不驚大庖不盈毛詩傳

不盈盈也自左膘而射之達於右膈為上殺射右耳本  
次之射左髀達於右肱為下殺面傷不獻踐毛不獻不  
成禽不獻禽雖多擇取三十焉其餘以與士大夫以習  
射于澤宮中則取禽鄭箋云射右耳本射當為達 又

曰既張我弓既挾我矢發彼小豝殪此大兕 原周禮

曰大司馬仲春教振旅遂以蒐田仲夏教蒐舍遂以苗

田芟草舍止也軍有草止之法

仲秋教治兵遂以獮田仲冬教大閱

遂以狩田 禮曰頒禽隆諸長者而悌達乎獫狁矣

又曰田獵有禮故戎事閑也 增禮曰天子諸侯無事

則歲三田一為乾豆二為賓客三為充君之庖

三田者夏不田

無事而不田曰不敬不以禮曰暴天物天子不合圍諸

侯不掩羣天子殺則下大綏諸侯殺則下小綏大夫殺

則止佐車佐車止則百姓田獵獺祭魚然後虞人入澤

梁豺祭獸然後田獵鳩化為鷹然後設罝羅草木零落



然後斧斤入山林昆蟲未蟄不以火田不麝不卵不殺  
胎不殀天不覆巢 周禮若大田則率有司饁獸於郊  
遂頒禽 又曰獸人掌罟田獸辨其名物冬獻狼夏獻  
麋春秋獻獸物時畋則守罟 又曰甸祝掌四時之田  
師甸致禽於虞中 又曰大司馬狩田大獸公之小禽  
私之獲者取左耳 又曰太宰職八曰田役以馭其衆  
又曰小司徒起徒役無過家一人其餘為羨惟田與  
追胥竭作 又曰獸人弊田令禽注於虞中 又春官

司徒凡甸冠弁服 肆師凡四時之大甸獵祭表貉則  
為位 司几筵甸役則設熊席右漆几 甸祝掌四時  
之田表貉之祝號 又翬氏掌攻猛獸各以其物為媒  
而拑之 又曰鄉師凡四時之田前期出田法於州里  
簡其鼓鐸旗物兵器脩其卒伍及期以司徒之大旗致  
衆庶而陳之以旗物辨鄉邑而治其政令刑禁巡其前  
後之屯而戮其犯命者斷其爭禽之訟 原左傳曰春  
蒐夏苗秋獮冬狩皆於農隙以講武事也 增傳曰已

有三牲必田狩者孝子之意以為已之所養不如天地自然之牲逸豫肥美禽獸則傷五穀因習兵事又不空設故因以捕禽獸所以共承宗廟不忘武備又因以為田除害 又曰苗者謂何曰苗者毛也取之不圍澤不掩羣取犬禽不麝不卵不殺孕重者春蒐者不殺小麝及孕重者冬狩皆取之百姓皆出不失其時不抵禽不詭遇逐不出防此苗獮蒐狩之義也故苗獮蒐狩之禮簡其戎事也故苗者毛取之蒐者搜索之狩者守留之

夏不田何也曰天地陰陽盛長之門猛獸不攫鷙鳥不搏蝮蠱不螫鳥獸蟲蛇且知應天而況乎人哉是以古者必有養牢其謂之畋何聖人舉事必反本五穀者以奉宗廟養萬民也去禽獸害稼穡者故以田言之聖人作名號而事義可知也 原穀梁曰秋蒐於紅以習用武事 增又曰士衆習射射而中田不得禽則得禽田得禽而射不中則不得禽以知貴仁義賤勇力也 左傳昔周辛甲之為太史也命百官官箴王闕于虞人之

箴曰茫茫禹迹畫為九州經啓九道民有寢廟獸有茂  
草各有攸處德用不擾在帝夷羿冒于原獸亡其國恤  
而思其麇牡武不可重用不恢於夏家獸臣司原敢告  
僕夫 宣王料民於太原仲山甫諫曰民不可料也夫  
古者不料民而知其少多司民協孤終司商協名姓司  
徒協旅司寇協姦場協入廩協出則是少多死生出入  
往來者皆可知也於是乎又審之以事王治農於藉蒐  
於農隙耨穫亦於藉獮於既蒸狩于畢時是皆習民數

者也又何料焉不謂其少而大料之是示少而惡事也  
臨政示少諸侯避之治民惡事無以賦令 漢書司馬

相如傳上讀子虛賦而善之召問相如相如曰此諸侯  
之事未足觀請為天子游獵之賦相如以為子虛虛言  
也為楚稱烏有先生者烏有此事也為齊難亡是公者  
亡是人也欲明天子之義故藉此三人為辭其卒章歸  
之於節儉因以諷諫 元鼎中天子行獵新秦中以勒  
邊兵而歸 元帝永光元年行幸甘泉禮泰時禮畢因

留射獵 五年上幸長楊射熊館布車騎大獲 成帝

元延二年冬行幸長楊宮從胡客大校獵宿萑陽宮

後漢明帝永平十六年冬車駕校獵上林苑 安帝延

光二年十一月校獵上林苑 順帝永和四年十月校

獵上林苑歷函谷關而還 桓帝延熹元年校獵廣成

遂幸上林苑 靈帝光和五年校獵上林苑函谷關遂

巡狩於廣成苑 宋文帝元嘉二十五年閏二月大蒐

於宣武場主司列奏申攝尅日校獵百官備設行宮殿

便坐於武帳岡王公百官便坐幔省如常儀 梁陳並

依宋儀其異者置行殿於幕府山南岡并設王公百官

幕先獵一日遣馬騎布圍領軍督左右軍將軍督右大

司馬董正諸軍獵日侍中三奏一奏撻一鼓為一嚴三

嚴訖引仗為小駕鹵簿皇帝乘馬戎服從者悉絳衫幘

黃麾警蹕鼓吹如常儀獵訖宴會享勞比較多少戮一

人以懲亂法會畢還宮 北齊春蒐禮有司規大防建

獲旗以表獲車前一命布圍領軍將軍一人督左甄護



軍將軍一人督右甄大司馬一人居中節制諸軍天子  
陳小駕服通天冠乘木輅詣行宮將親禽服鉞戟者皆  
嚴武衛張甄圍旗鼓相見銜枚而進甄常開一方以令  
三驅圍合吏奔騎令曰鳥獸之肉不登於俎者不射皮  
革齒牙骨角毛羽不登於器者不射甄合大司馬鳴鼓  
促圍衆軍鼓噪鳴角至期處而止大司馬為屯北旗門  
二甄師屯左右旗門天子乘馬從南旗門入親射禽謁  
者以獲車收禽載還陣於獲旗之北王公以下以次射

禽事畢大司馬鳴鼓解圍復屯殿中郎中率其屬收禽以實獲車天子還行宮命有司每會擇取三等一曰乾豆二曰賓客三曰充君之庖其餘即於圍下量犒將士禮畢改服鉞者韜刃而還 隋大業三年煬帝在榆林突厥啓人及西域東胡君長並來朝貢帝欲示以兵甲之盛乃命有司陳冬狩之禮詔虞部量拔延山南北周二百里並立表記前狩二日兵部建旗于表所五里一旗分為四十軍軍萬人騎五千匹前一日諸將各率其

軍集于旗下鳴鼓後至者斬詔四十道並揚旗節分中  
迴令即留軍所監獵布圍圍南西方行而前帝服紫袴  
褶黑介幘乘闕豬車駕六黑騶太常陳鼓笳鐃簫角於  
帝左右各百二十官戎服騎從鼓行入圍諸軍並鼓行  
赴圍乃設驅逆騎千有二百闕豬輒有司斂大綏王公  
以下皆整弓陳於駕前有司又斂小綏乃驅獸出過於  
帝前待詔再驅過至備身將軍奏進弓矢三驅過帝乃  
從禽鼓吹皆振左而射之每驅必三獸以上帝發抗大

綏次王公發抗小綏次諸侯發射則無鼓驅逆之騎乃止然後四夷百姓皆獵 唐高祖武德五年十二月上

幸涇陽之華池校獵謂朝臣曰今日畋樂乎蘇世長對曰陛下游田薄廢萬幾不滿十旬未見大樂上色變既而笑曰狂發也世長曰為臣私計則狂為陛下私計則忠 八年十月校獵於周氏陂謂侍臣曰獵以供宗廟朕當躬其事以伸孝享之誠 太宗貞觀五年大蒐於昆明池夷落君長從 十一月狩于濟源之陵山上曰

古者先驅以供宗廟今所獲鹿宜令所司造脯醢以充

薦享 十六年十二月狩於驪山 高宗龍朔元年十

月狩於陸渾縣六日至飛山頓帝親御弧矢獲四鹿及

兔數十頭 總章二年駕自九成宮還京仍西狩校習

自麟遊西北遶岐梁歷普潤為兩頭 明皇先天元年

十月幸新豐獵於驪山之下 開元三年大蒐於鳳泉

德宗貞元十一年十二月臘日畋於苑中止其多殺

行三驅之禮 武宗會昌元年十月車駕幸咸陽校獵

二年十月校獵於太白原 宋太祖建隆二年十一

月始狩於近郊賜宰相樞密使節度觀察防禦團練使

統軍侍衛諸軍校皆錦袍親王以下射中者賜馬 太

宗太平興國五年十二月畋於近郊 雍熙二年十一

月詔曰三田之制其一曰乾豆謂腊之以供祀也近以

率遵時令薄狩郊畿既親射以獲禽宜奉先而登俎其

以畋獵親獲獸付所司薦享太廟仍著于令 端拱元

年十月詔自今非時朕不於近甸遊獵其五方所畜鷹

犬並放之仍令諸州不得以鷹犬來獻 淳化五年臘

日命諸王田獵近郊 真宗咸平三年十二月以獵獲

狐兔薦廟之餘賜中書樞密院 大中祥符三年詔令

教駿所養鷹鵠除量留十餘以備諸王從時展拜禮外

其餘並去其羈紲縱之山林自景德四年後上不復出

獵天禧初又詔禁圍草地許民耕墾 仁宗慶歷五年

兵部員外郎直集賢院李東之言祖宗校獵之制所以

順時令而訓戎事也陛下臨御以來未嘗講脩此禮願

詔有司草儀注擇日命殿前馬步軍司互出兵馬以從獵於近郊詔樞密院討詳先朝校獵制度十月御內東門賜從官酒三行奏鈞容樂幸瓊林苑門賜從官食遂獵於楊邨燕幄殿奏教坊樂遣使以所獲麋兔馳薦太廟既而召父老臨問賜以飲食茶絹及賜五坊軍士銀絹有差六年十一月復獵於城南韓邨自玉津園去輦乘馬分騎士數千為左右翼節以旗鼓合圍場徑十餘里部隊相應天子按轡中道親挾弓矢而屢獲禽是



時道傍居民或畜狐兔鳧雉驅于場中因謂輔臣曰畋  
獵所以訓武事非專所獲也悉令縱之 原文子曰先  
王之法也不焚林而狩昆蟲未蟄不以火田也 增又  
曰豺未祭獸置網不通於埜鷹隼未擊羅網不張於谷  
莊子梁君出獵見白鴈羣下穀弩欲射之道有行者  
梁君謂行者止行者不止白鴈羣駭梁君怒欲射行者  
其御公孫龍止之梁君怒曰龍不與其君而顧他人對  
曰君以白鴈故欲射殺人主君譬人無異於豺狼也梁

君乃與龍上車歸呼萬歲曰樂哉人獵皆得禽獸我獵  
得善言而歸 晏子景公田十有八日不反晏子往見  
而衣冠不正公望見晏子下車急曰夫子何遽得無有  
故乎對曰國人皆謂君安野而好獸無乃不可乎公曰  
寡人有吾子猶心之有四肢也有四肢故心得佚晏子  
曰若心有四肢而得佚則可令四肢無心乎公乃罷田  
而歸

菟狩二

附示仁

非禮

禽荒

原講武

習戎

東都賦若乃順時節而蒐狩簡車徒以講武則必臨之以王制教之以風雅

禮記季冬之月天子乃教田獵以習五戎注五戎戈矛戟弓矢

搏獸

大蒐

上詳蒐狩一

魏文帝校獵賦高宗征於鬼方兮黃帝有事於阪泉愠蜀備之作戾兮忽吳夷之不藩將訓兵而講武兮因大

蒐乎田隙

竦戎

講旅

乃揚雄長楊賦平不肆險安不忘危

五柞習馬長楊簡力校獸校武剽禽古道以遊豫兮昭勸助乎農圃用時隙之餘日兮陳苗

王繁校獵賦遵

狩而

秋田

冬狩

司馬相如子虛賦秋田乎青丘彷彿海外吞若雲夢者八九于其

胷中曾不蒂芥下詳前

建大麾

周禮

下大綏

禮記

獵長楊

漢書

歷上蘭

班固

載翠胄

倚金鞍

張衡

乘鏤象

馭玉虬

司馬相如

乘雕輅

駟飛黃

應

大田簡衆

周禮

蒐狩習

武氏左

選徒萬騎

司馬相如

駕雕六駃

張衡

背夏涉冬

司馬

相如

施車載旌

周禮

岐陽之蒐

春秋成有岐陽之蒐

漆沮之從

蒐於岐陽

帝王世紀

獵於七澤

穆天子傳

升彼大阜

詩

獵於陘山

穆天子傳

弓燥手柔

草淺獸肥

典論歲之暮春勾芒司節

和風扇物

弓燥手柔草淺獸肥與族兄子丹獵於鄴西終日手獲麋鹿九雉兔三十

屬車轆轤

羽騎騰驤

應

過防不逐

面傷不獻

穀梁秋蒐於紅禮之大者

也艾蘭以為防置旃以為轅門過防弗逐不從奔之道也面傷不獻不成禽不獻禽雖多天子取三十焉其餘

與士

示禮

傳曰成有岐陽之蒐所以示諸侯禮也諸侯所由用命也

示汰

商紂

之蒐所以示諸侯汰也諸侯所由棄命也

驅害

詳蒐

用鮮

子產曰惟君用鮮注取鮮

禽以祭

簡車賦

習軍旅

禮郊特牲季春出火為焚也然後簡其車賦而歷其卒伍

而親誓社以習軍旅左之右之坐之起之以觀其習變也而流示之禽鹽諸利以觀其不犯命也求服其志不

得貪其

講戎事

績武功

增縣貍

射麋

即鹿

從禽

從禽于外上無逸飛下無遺走

獻禽

傳以歲之非時獻禽之未至

饁獸

獻獸

詳蒐

分禽

史記任安為亭長邑人俱出獵任安常為分禽麋鹿部署老少皆喜曰任

少卿分

牧禽

文選會眾牧禽論功賜也

給鮮

傳獸人無乃不給於鮮

計

鮮七命虞人數獸林

公獸

詳蒐

私縱

詳蒐

指蹤

漢高曰追殺獸者狗也指示蹤者人也

犄角

左傳捕鹿也

四時

三品

詳蒐

狩獵禁禁俗掌部格西京五百里內宜禁捕

獵較

詳蒐

御衆

斷爭

詳蒐

竭作

禮詳蒐

時畋

張

羅詳蒐

施弋

文選鷹隼未發短弋不施於谿隧

東津

魏文帝詩巾車出鄴宮校

獵東橋津重置施密網罕畢飄如雲

南圃

後漢張衡羽獵賦皇上感天恩之繆烈思太昊之觀虞虞

人表林麓而廓萊藪翦荆棘而夷榛株於是鳳凰獻歷太僕駕具蚩尤先驅雨師清路山靈護陣萬神蹕御義

和奉轡弭節西征翠蓋歲凝鸞鳴瓏玲山谷為之澹淡丘陵為之簸傾於是皇輿綢繆遷延容與抗天津於伊

洛負遙集乎南園大詔獵者竟逐長驅輕車馳厲羽騎  
電驚霧合雲集波流雨注馬蹂麋鹿輪轉堆兔弓不妄

彎弩不虛舉鳥驚  
挂網獸與矢遇

黃岑

見二虞條

紫陌

王粲獵賦濟漳浦而橫乘倚紫

陌而並征

四校

二虞

上林賦孫叔奉轡衛公駢乘扈從橫行出乎四校之中應瑒校獵

賦乃命有司巡士周巡二虞萊塹  
三扈表禽北彌大陸南屬黃岑

九井

晉中興書桓石秀諮第二

子也不以榮爵嬰心惟以弋釣為事游覽樂足一丘桓  
冲嘗與石秀共獵登九井山獵徒甚盛觀者傾坐石秀

未嘗屬盼  
嘯詠而已

雙川

魏文帝校獵賦披高門而方軌邁夷途而直駕長鍛紉電飛旗拂天部曲

按列什伍相連峙如叢林動若奔山超崇岸之層崖厲  
陣溼之雙川列翠星陳戎車方轂風迴雲轉埃連颼屬  
雷響振天地譟聲蕩山岳遂躡封稀藉塵鹿捐飛鳶接  
驚驚聚者成丘陵散者填谿谷流血赫其丹堊羽毛紛

其翳目考功較績頒賜有序

獸人禮

獸臣虞箴曰獸臣司原

山虞

澤虞皆掌田獵之事

有禮詳蒐狩一

順時詳蒐狩一

獲三狐易

告介麋 獵長洲 歷上蘭 前期出法 農隙講武

不逐不獻穀梁詳蒐狩一

未蟄不火文子詳蒐狩一

宗祧之事

傳楚子曰屬有宗祧之事於武陵言田獵為宗祧

祭禽之禮獵得禽獸以供祭祀 獲

而植旌夏官田僕令獲者植旌

獻則比禽夏官田僕及獻比禽

御貫乃

獲左射中則得穀梁詳蒐狩一

獵得王佐文王將獵而飛熊入夢占之曰

所獲非熊非羆非虎非貔所得伯王之佐

獵得善言莊子詳蒐狩一

原講一時



之武

國語三時務農一時講武

遵三畋之文

禮王者一歲三田詳蒐狩一

宋

公載燧爰分左右之孟

楚子田孟諸宋公為右孟鄭伯為左孟令夙駕載燧宋公違命

無畏扶其僕以徇

夏官建旗必殊險易之主

險野人為主易野車為主大司

馬職云

增因氣致殺

張協七命白商素節月既授衣天疑地閉風厲霜飛將因氣而致殺

臨金郊而講師

順時取禽

蔡邕月令章句李秋之月天子乃教田獵習五戎班馬政其出以順

時取禽其禮將軍執晉鼓師率執提旅率執輦以教坐作進退疾徐之節

田則張幕

田

則設席

禮

禦自汧渭

經營豐鎬

揚雄

天子不合圍

春田不圍澤

刈蘭以為防

置旌以為門

見

荷

垂天之畢 張竟埜之罟 靡日月之朱竿 曳篲星

之飛旗並揚雄賦 逐禽輒十里 馳射常百步 掩長楊

而連五柞 繞黃山而疑牛首 命荊州使起鳥 詔

梁野而驅獸班固 君臣田獵以講武事 王者田獵以

戒不虞 虎落三峻以為司馬 圍徑百里而為殿門

揚雄 建旗於表 置旗於門 講事必在於有儀 鹽

利取觀於不犯 示仁原禁毒矢禮禁麇卵與其毒矢射者注謂其失物且

害心 禁沈澤禮謂以毒藥沈水中令魚蟲盡死 不殺胎禮 無探

卯宣詔曰毋得春夏

不殫物以昭仁

無藥獸月令三

之藥無

射不剪謂向已者

取以道田不

無麇無卵董仲

舒曰禮不麇不卵巴西

不網不宿孔子

三驅之禮

一面之仁 畋既以時 殺亦中禮 苟不導其生成

則何殊於暴殄 慕天乙之仁且開羅網 卜渭濱

之獵不在熊羆 鑒五子之戒無及於荒 考三驅之

文不專於殺 畋雖中禮不取於蚺蛇 殺亦有仁無

及於麇卵 蒐狩以時合駒虞之神化 胎卵盡取是

竭澤之淫風

非禮原射鴻

左傳衛獻公成孫文子甯惠子食日旰不召而射鴻

於園二子怒詳鴻

矢魚

又曰公矢魚于棠非禮也注矢陳也陳捕魚之器

身剪

禮曰

凡有血氣之類不身剪剪殺也

時殺

又曰禽獸不以其時殺非孝也

魏獻子田

曰傳

魏獻子合諸侯城周田于大陸而卒范獻子出其柏柳以其未復君命而田也

晉厲公田

曰又

晉厲公田使婦人先殺而飲酒而後大夫殺注先婦人後卿佐

苟或違於禮經

則

何殊於暴物

禮天子諸侯歲三田不以禮曰暴天物

禽荒原心狂

老子曰馳

騁田獵令人心發狂

志荒

武公之志荒矣

好弋

曹伯陽

恒畋

恒於遊畋時謂

淫風 太康尸位

書畋于有洛十旬不返有窮后羿距于河五子咸怨述大禹之戒以作歌

長沙削縣

漢長沙王建德獵縱火燔民九  
十家坐棄市宣詔捨之削八縣

習於田獵

習於田獵謂之賢  
閑於馳逐謂之好

淫于原獸

思其麋鹿  
並后羿

獲胎拾卵

文選  
蠅盡取

割鮮染輪

文選

欲既犯時

欲無  
犯時

殺而盡物

心苟發狂

敝斯亂政

謂不軌不物  
之亂政

武功載績雖聞七

月之詩

遊田為恒憚三風之戒

長楊觀獵

漢武  
命輸

獸長楊宮令人手搏之  
自取其獲上親臨觀焉

灞陵夜獵

舊時  
將軍

詩刺盧令

詩盧令刺荒也齊襄公好畋獵從  
禽獸而無厭國人刺之盧犬名

禮稱羅氏

禮羅氏  
致鹿與

女曰好田好女者亡其國也  
戒諸侯也羅氏掌鳥獸者

作長楊賦

楊子雲作長  
楊賦以諫漢

帝獵也

上廣成頌

馬融字季長為校書時人以文德可興武德宜廢遂寢蒐狩之禮息戰陣

之法融以文武之道聖賢不墜故上廣成頌諫之

虞人之箴

戒田獵也

樊氏之

戒楚莊王好畋樊夫人為之不食禽獸之肉三年王為之自戒也

罔遊于逸

罔淫于樂禹戒

無淫于田

書周公作無逸曰文王不敢盤于遊田嗣王其無淫于觀于逸于遊于田也

東方諫止

武帝令吾丘壽王舉籍河南提封頃畝欲除為上林東方朔諫乃止舉籍謂舉數其籍也

戴陵獲罪

魏長水校尉戴陵諫上獵減死一等

蒐狩三

原賦魏應瑒西狩賦曰伊炎漢之建安飛龍耀乎天衢

皇宰奕而陶運樹匡翼而大摹盪無妄之氛穢揚威靈  
乎八區開九土之舊迹暨聲教於海隅時霜淒而淹野  
寒風肅而川逝草木紛而搖蕩鷙鳥別而高厲旣乃擇  
吉日練嘉辰清風矢戒屏翳收塵於是魏公乃乘雕輅  
駟飛黃擁簫鉦建九旂按轡清途颯沓風翔於是圍網  
周合雷鼓天震千乘辰羅萬表星陳雙翼抗旌八校組  
分長燧電舉高煙蔽雲爾乃徒輿並興方軌連質驚飈  
四駭衝禽驚溢騁獸塞野飛鳥蔽日爾乃赴玄谷陵崇

巒俯掣奔猴仰捷飛猿雲幕被於廣野京燎照乎平原  
醴魚充給洪施普宣

增疏漢司馬相如諫長楊獵疏曰臣聞物有同類而殊  
能者故力稱烏獲捷言慶忌勇期賁育臣之愚竊以為  
人誠有之獸亦宜然今陛下好陵阻險射猛獸卒然遇  
逸材之獸駭不存之地犯屬車之清塵輿不及還轅人  
不暇施巧雖有烏獲逢蒙之技不得用枯木朽株盡為  
難矣是胡越起於轂下而羌夷接軫也豈不殆哉雖萬



全而無患然本非天子之所宜近也且夫清道而後行  
中路而馳猶時有銜橛之變況乎涉豐草騁丘虛前有  
利獸之樂而內無存變之意其為害也不難矣夫輕萬  
乘之重不以為安樂出萬有一危之塗以為娛臣竊為  
陛下不取蓋明者遠見於未萌而知者避危於無形禍  
固多藏於隱微而發於人之所忽者也故鄙諺曰家累  
千金坐不垂堂此言雖小可以喻大臣願陛下留意幸  
察上善之

御定淵鑑類函卷一百五十九

欽定四庫全書

御定淵鑑類函卷一百六十

禮儀部七 辟雍 太學

辟雍一

原說文曰辟雍天子饗飲處也 五經通義曰天子立

辟雍者何所以行禮樂宣德化教導天下之人使為士

君子養三老事五更與諸侯行禮之處也 又曰諸侯

不得觀四方故缺東以南半天子之學故曰類宮 孝

經鉤命決曰天子臨辟雍親割牲以尊三老 白虎通

曰天子立辟雍何所以行禮樂宣德化也辟者璧也象  
璧圓又以法天於壅水側象教化流行也辟之言積也  
積天下之道德也雍之言壅也壅天下之殘賊故謂之  
辟雍也 增詩曰雍雍在宮肅肅在廟不顯亦臨無射  
亦保箋宮謂辟雍宮也又曰於樂辟雍 又曰振鷺于  
飛于彼西雍先儒謂辟雍在西郊故曰西雍 原禮記  
曰天子辟雍諸侯頽宮 增禮統四方攸同皇王辟雍

注辟雍教化天下也 王制殷人養國老於右學養庶

老於左學周人養國老於東膠養庶老於虞庠虞庠在  
國之西郊注右學大學也大學在西郊左學小學也在  
國中王宮之東疏熊氏云文王之時猶從殷禮辟雍大  
學在郊劉氏以為周之小學為辟雍在郊 禮象曰辟  
雍居中其南為成均北為上庠東為東序西為瞽宗

月令論清廟太廟明堂大學辟雍異名而同事 大戴

禮盛德篇明堂外水曰辟雍 史記封禪書豐鄔有天

子辟池索隱曰即周天子辟雍之地正義曰周文武豐  
鄩皆置辟雍故秦立祠 三輔黃圖云文王辟雍在長  
安西北四十里亦曰辟雍 漢禮志成帝時捷為郡於  
水濱得古磬十六枚劉向說上宜興辟雍設庠序以風  
化天下成帝下公卿議會向卒丞相大司空奏請立辟  
雍按行長安城南營表未作及王莽為宰衡遂興辟雍  
平帝元始五年詔曰劉歆等四人使治明堂辟雍令  
漢與文王靈臺周公作洛同符 原景十三王傳河間

獻王德修學好古造次必於儒者武帝時來朝獻雅樂  
對三雍宮 元始中作明堂辟雍大朝諸侯 增光武

中元元年初起辟雍注漢官儀辟雍去明堂三百步車  
駕臨辟雍從北門入三月九月皆於中行鄉射禮 原

明帝永平二年上始率羣臣躬養三老五更於辟雍行  
大射之禮饗射禮畢帝正坐自講諸儒執經問難於前  
冠帶縉紳之人圜橋門而觀聽者蓋億萬計 增張純

傳以聖王之建辟雍所以崇禮義旣富而教者也乃按

七經識明堂圖河間古辟雍記孝武泰山明堂制度及  
平帝時議欲具奏之未及上會博士桓榮言宜立辟雍  
章下三公太常而純議同榮帝乃許之陽嘉二年行

禮辟雍奏應鍾始復黃鍾原甘露二年明帝幸辟雍

命羣臣令賦詩侍中和逋尚書陳騫等作詩稽留有司  
奏免增晉紀武帝泰始六年幸辟雍行鄉飲酒禮

北史太和十年改中書學為國子學建明堂辟雍尊三  
老五更又開皇子之學唐歸崇敬傳皇太子欲臨國



學行齒胄禮崇敬以學與官名皆不正乃建議古天子  
學曰辟雍在禮為澤宮前世或曰璧沼璧池亦言學省  
漢光武立明堂辟雍靈臺號三雍宮晉武帝臨辟雍行  
鄉飲禮別置國子學以殊士庶永嘉南遷惟有國子學  
北齊立國子寺隋大業中更名國子監今聲明之盛辟  
雍獨闕請以國子監為辟雍省以祭酒為太師氏位三  
品司業為左師右師位四品國子太學四門三館各立  
五經博士有詔集百官議皆以省禁非外司所宜名周

官世職者稱氏國學非世官不得名太師氏大抵憚改作故無施行者 宋宗寧元年初建辟雍外圓內方為屋一千八百七十二楹宰臣言奉詔立學官貢士仍建外學於王國之南待其歲攷行藝升之太學增上舍二百人內舍六百人處上舍內舍於太學處外舍於外學十二月為文宣王殿三年十一月幸太學遂幸辟雍大觀二年正月朔御製辟雍記 原桓譚新論曰王者作園池如璧形實水其中以園壅之名曰辟雍言其上

承天地以班教令流轉王道周而復始 增蔡邕明堂

論曰辟雍外圓內方擬王者動作法天地圜水四周譬

德廣四海也不知泮水象諸侯行不當方德不當廣乎

其釋辟雍雖明而於泮水則礙 三輔決錄曰辟雍水

四周於外象四海也 朱子曰王制論學曰天子曰辟

雍諸侯曰泮宮說者以為辟雍大射行禮之處也水旋

丘如璧以節觀者泮宮諸侯鄉射之宮也其水半之蓋

東西門以南通水北無也故振鷺之詩振鷺于飛于彼

西雍說者以雍為澤蓋即旋丘之水而其學即所謂澤宮也蓋古人之學與今日不同孟子所謂序者射也則學蓋有以射為主者矣蘇氏引莊周言文王有辟雍之樂遂以辟雍亦為樂名而曰古人以樂教胄子則未知學以樂而得名歟樂以學而得名則是以以為習樂之所也張子亦曰辟雍古無此名其制蓋始於此故周有天下遂以名天子之學而諸侯不得立焉記所謂魯人將有事於上帝必先有事於泮宮者蓋射以擇士云

耳

辟雍二

原行禮

辟雍詩鎬京辟雍自西自東自南自北無思不服注武王於鎬京行辟雍之禮自四方來觀者

無不歸服

班政

終軍書建三宮之文質彰厥職之所宜注三宮班政有文質也

於樂

詩

樂辟雍注文王知鳥獸得所以為音聲於政通故合樂以詳之於喜樂乎諸在辟雍者言感中和之至也

乃營

文選造舟清池維水泱泱乃營三宮謂明堂辟雍靈臺也

左制

文選左制辟雍在明堂之

左

中園

詳辟雍一

明帝踐

後漢明帝踐辟雍尊事三老兄事五更

獻王

對

漢武帝時事詳辟雍一

讚典禮

曹植七畧云讚典禮於辟雍講文德於明堂刪流俗之華

談綜孔氏

整法駕

王沈辟雍頌云天子親整法駕撫玉輅幸於雍宮親拜三老五更出

之舊章

於南門

聖皇泣止

詳後班固辟雍詩

皇王教化

見禮統詳辟雍一

養老之制

王沈辟雍頌序云唐虞三代咸崇辟雍養老之制也親降萬乘之尊執弟子之禮自

春秋以來禮樂昏廢惟東京之後始創其義

道德之富

辟雍海流道德之富

增羣

臣賦詩

詳辟雍一

天子親割

詳辟雍一

召會任延

漢任延為潁川守永

平二年召會辟雍

召拜承宮

漢明帝永平中臨辟雍召拜承宮為博士

圜橋觀

聽臨雍賦詩

俱詳辟雍一

諸王來會

漢永平二年冬諸王來會辟雍事畢

歸儒者為榮

漢伏恭永平四年帝臨辟雍於行禮中拜為司空儒者以為榮

辟雍三

原賦後漢李尤辟雍賦曰太學既崇三宮既章靈臺司  
天羣曜彌光太室宗祀布政國陽辟雍巖巖規矩圓方  
階序牖闥雙觀四張流水湯湯造舟為梁神聖班德由  
斯以匡王公羣后卿士具集攢羅鱗次差池雜選延忠  
信之純一兮列左右之貂璫三后八蕃師尹羣卿加休  
慶德稱壽上觴戴甫垂畢其儀蹵蹵是以乾坤所周八  
極所要夷戎蠻羌儋耳哀牢重譯響應抱珍來朝南金

大輅玉象犀龜 晉傅休奕帝幸辟雍鄉飲酒賦曰時  
皇帝枉萬乘之尊兮以幸辟雍鹵簿齊列羣官正容侍  
衛參差階戟百重乃延卿士乃命王公是日也定小會  
之常儀兮饗殊俗而見遠邦連三朝以考學兮覽先賢  
之異同

增詩漢班固辟雍詩曰迺流辟雍辟雍湯湯聖王蒞止  
造舟為梁皤皤國老乃父乃兄抑抑威儀孝友光明

原頌陳徐陵皇太子臨辟雍頌曰臣聞天大王大詳於



道德之言天文人文顯於爻象之說是以大君革命黔  
首所以庇焉聖人創物文籍所以生焉咸由此道制為  
民極莫不對越上靈裁成庶類濟世育德昭彼昆蟲皇  
帝世膺下武體茲上德握天鏡而渡河圖執玉衡而運  
乾象皇太子耀彼重離光茲七鬯儀天以文化成天下  
侍中國子祭酒新安王宗室羽儀衣冠準的惟善為樂  
造次必儒粵以十一年三月二十一日受詔弘宣發論  
語題攝齊升堂摳衣即席對揚天人開闢大訓清言旣

吐精義入神副德爰動音辭鋒起問難泉湧辨紛綸之  
異定倫理之疑玉振鏘鏘雲浮雨布介王奉繫聖蹤馳  
辨秀出信令張禹慙其師法何晏忸其訓詁穆穆焉洋  
洋焉此實虞朝之盛德生民之壯觀者也臣抑又聞之  
魯頌聿興史克宣其懿晉雍大啓王廙逞其詞所以述  
休平之風揚君上之德陵以下才敢為頌曰皇運勃起  
膺圖受命紫蓋東臨黃旌南映積仁累德重明疊聖四  
海無浪三階已平儲駕戾止和鸞有聲弘風講肆崇儒

肅成丹書貴道黃金賤籛洙泗興業闕里增榮

增銘漢李尤辟雍銘曰惟王所建方中圓外清流四匝  
蕩滌濁穢

# 太學一

原杜氏通典曰有虞氏大學為上庠小學為下庠 夏

后氏太學為東序小學為西序

次序先王之道而學之

殷制太

學為右學小學為左學又曰瞽宗

王制曰小學在公宮南之左大學在郊宗

尊也瞽無目之名以喻童蒙又云瞽矇之所尊也

周制太學為東膠小學為

虞庠

膠之言糾也所以糾收學士也鄭注祭義云周有四郊之虞庠也以小學為虞庠之制

又曰

天子曰辟雍

崔靈思云學制有二一云制與明堂同體五室四堂在一基之上四方堂則以其方

名學中央堂謂之太學一云凡立學之法有四郊及國中在東郊曰東學並方名之在國中謂之大學故鄭注

祭義曰周有四郊之虞庠

王太子王子羣后之太子卿大夫元士之

適子國之俊秀皆造焉

王子王之庶子也羣后公及諸侯

樂正崇四術

立四教

樂正樂官之長掌國子之教幼者教之於小學長者教之於大學尚書傳曰年十五始入小學

十八始入大學

春秋教以禮樂冬夏教以詩書

春夏陽也詩樂者聲聲亦陽也

秋冬陰也書禮者事事亦陰也

師氏掌以媿詔王

馬融曰媿媿道也告王以善道師者教人

以事而論諸德也熾音美以三德教國子一曰至德以為道本馬融曰德

行內外之稱在心為德施之為行至德者中德也鄭元曰至德中和之德覆幬持載含容者也二曰敏

德以為行本敏德仁義三曰孝德以知逆惡馬融曰教

知逆惡之不可為也鄭元曰孝德尊祖愛親守其所以生也教三行一曰孝行以親

父母善事父母之行盡其愛敬二曰友行以尊賢良馬融曰教以朋友之行使擇益

友三曰順行以事師長馬融曰師德所不如也凡國之貴游子

弟學焉王公之子弟游無官司者也凡學必時春夏學干戈秋冬學

羽籥皆於東序干盾也戈勾矛戟也干戈萬舞象武用動作之時學之羽籥籥舞象文用安靜

之時學之詩云左手執籥右手秉翟

春誦夏絃太師詔之瞽宗秋學禮執

禮者詔之冬讀書典書者詔之禮在瞽宗書在上庠

周立

三代之學學書於有虞氏之學典謨之教所興也學舞於夏后氏之學文武中也學禮樂於殷之學功成治定與已同也誦謂歌樂也絃謂以絲播詩陽用事則學之以聲陰用事則學之以事者也

大學之禮

雖詔於天子無北面所以尊師也

尊師重道不使處臣位武王踐祚召師尚

父問焉曰昔黃帝顓頊之道存乎意其端不可見與師尚父曰在丹書王欲聞之則齊矣王齊三日端冕師尚

父亦端冕奉書而入負屏而立王下堂南面而立師尚父曰先王之道不北面王行而西折而南東面而立師

尚父西面

大學之教也時教必有正業

業必先王經典

古之教

者家有塾黨有庠術有序國有學

術當為遂古者仕焉而已者歸教於閭里

朝夕坐於門側之堂謂之塾周禮五百家為黨比年入萬二千五百家為遂黨屬於鄉遂在遠郊之外

學中年考校

中間也間歲則考學者之德行三歲大比乃考焉

一年視離經辨

志三年視敬業樂羣五年視博習親師七年視論學取

友謂之小成九年知類通達強立而不反謂之大成夫

然後足以化民易俗近者說服而遠者懷之此大學之

道也王制修六禮以節民性明七教以興民德齊八政

以防民淫一道德以同俗養耆老以致孝恤孤獨以逮

不足上賢以崇德簡不肖以紂惡司徒地官卿掌邦教者命鄉

簡不率教者以告于王王命三公九卿大夫元士皆入

學不變王親視學

亦謂使習禮以化之也不變王又親臨視重棄賢者之子孫也此習禮皆

於大學也不變命國之右鄉簡不率教者移之左命國之左

鄉簡不帥教者移之右如初禮

中年考校而又不變轉徙其居觀其見新人有

所化

不變移之郊

郊鄉界之外也稍出遠之

不變移之遂

遂郊外也大夫掌使

習禮

不變屏之遠方終身不齒

遠方九州之外也秦始皇焚書坑儒大學從此

缺周禮曰大司樂職掌成均之法以治建國之學政鄭



康成注云成均五帝之學成均之法者其遺禮可法也  
又云保氏掌諫王惡而養國子以道乃教之六藝一  
曰五禮二曰六樂三曰五射四曰五馭五曰六書六曰  
九數鄭注云養國子以道者以師氏之德行審諭之而  
後教之以藝也 又云以樂舞教國子舞雲門大卷大  
咸大磬大夏大濩大武 禮記云大司成論說在東序  
鄭注云論說課其義之深淺才能優劣 增學記曰君  
子如欲化民成俗其必由道乎玉不琢不成器人不學

不知道是故古之王者建國君民教學為先 尚書大傳使公卿之太子大夫元士之適子十有三年始入小學見小節焉踐小義焉二十八大學見大節焉踐大義焉故入小學知父子之道長幼之序入大學知君臣之義上下之位故為君則君為臣則臣為父則父為子則子 大戴禮注白虎通曰八歲入小學十五入大學此太子之禮尚書大傳曰公卿之太子大夫元士之適子十三入小學二十入大學此王子入學之期內則曰十

年就外傳謂公卿以下教子於家也 禮大司樂合國

之子弟凡有道有德者使教焉以樂德樂語樂舞教國

子死則以為樂祖祭於瞽宗 地官師氏教國子三德

至敏 孝 孝友 三行 順 居虎門之左司王朝使其屬守王之門

外保氏教國子六藝六儀使其屬守王闈 宮中之巷門 大

戴禮保傅篇曰帝入東學上親而貴仁則親疎有序而

恩相及矣帝入南學上齒而貴信則長幼有差而民不

誣矣帝入西學上賢而貴德則聖智在位而功不遺矣

帝入北學上貴而尊爵則貴賤有差而下不踰矣帝入大學承師問道退習而考於太傅太傅罰其不則而達其不及則德知長而治道得矣原漢高帝未遑庠序

之事至孝文時頗登用

言少用文學之士也

孝景不任儒諸博士

具官待問未有進者

具官謂備員而已

武帝立後延儒者數百

自漢興言易有淄川田生言書有濟南伏生言詩於魯則申培公於齊則轅固於燕則韓太傅嬰言禮則魯高堂生言春秋於齊則胡毋生於趙則董仲舒而公孫宏為丞相封侯天下靡然向風矣制曰蓋聞

導人以禮風之以樂今禮廢樂崩朕甚愍焉故詳延天

下方聞之士咸登諸朝

詳悉也方道也有道及博聞之士也

其令禮官勸

學講議洽聞舉遺興禮以為天下先

舉遺謂經典遺逸者求而舉之

太

常議曰聞三代之道鄉里有教勸學興禮崇化厲賢以風四方太平之原也因舊博士置弟子五十人太常擇年十八以上儀狀端正者補博士弟子昭帝舉賢良文學增博士弟子員數百人至成帝時劉向請興辟雍設庠序帝下公卿議會向病卒成帝末增弟子員三千人歲餘如故及王莽為宰衡欲耀衆庶遂興辟雍增元士

之子得受業如弟子甲乙之科 光武建武五年十月

幸魯初起太學車駕還宮幸太學賜博士弟子各有差

增建武七年朱浮以國學既興宜廣博士之選上書

曰先建太學造立橫舍車駕親臨觀饗舊事策試博士

必廣求詳選惟賢是登 十九年拜桓榮為博士車駕

幸太學會諸博士論難於前榮被服儒衣辨明經義有

蘊藉特加賞賜又詔諸生雅歌擊磬盡日乃罷 樊準

上疏曰光武受命中興投戈講藝息馬論道孝明垂情

古典游意經藝每享射禮畢正坐自講諸儒並聽四方  
欣欣多名名儒以充禮官其餘以經術見優者布在廊  
廟朝多皤皤之良華首之老每譙會則論難衍衍共求  
政化詳覽羣言響如振玉期門羽林介胄之士悉通孝  
經博士議郎一人開門徒衆百數化自聖躬流及蠻荒  
匈奴遣伊秩訾正大車渠來入就學 章帝元和二年  
五月賜博士員弟子在大學者布人三疋令郡國上明  
經者口十萬以上五人不滿十萬三人 和帝永元十

二年三月賜博士員弟子在大學者布人三疋 安帝

延光三年三月祀孔子及七十二子於闕里壬戌還京

師幸太學 順帝即位翟酺為將作大匠六年九月繕

起太學上言孝文始置五經博士武帝大合天下之書

孝宣論六經於石渠學者滋盛光武中興起太學博士

舍內外講堂諸生橫卷為海內所集明帝時辟雍始成

欲毀太學太尉趙熹以為太學辟雍皆宜兼存故並傳

至今而頃頽廢至為園採芻牧之處宜更修繕誘進後



學帝從之乃以永建六年繕起太學更拓房室學者為  
酺立碑銘於學云 陽嘉元年七月以太學新成試明  
經下第者補弟子增甲乙科員各十人 原質帝本初  
元年詔大將軍以下至六百石悉遣子弟就學每春秋  
輒於鄉射月一會有勸勉進用之端於是遊學者增至  
三萬餘生自本初後二十四年高生皓首見拔者少桓  
帝建和初詔諸學生課試補官元嘉二年詔曰書生汝  
南胡憲陳留恭幸爽或六十以下常以月朔會辟雍垂

白安貧童子賴川王通經拜太子舍人因試憲等補郎  
舍人後皆限六十以上七十以下年有增減不應得試  
易凡天地之數五十有五此所以成變  
化今五十在試科是應天地之數也永壽二年復課

試諸生補郎舍人獻帝建安中侍中鮑衡奏按王制立  
大學小學自王太子以下皆教以詩書而升之司馬謂  
之賢者任之以官故能致刑措之盛立太平之化也今  
學博士並設表章而無所教授兵戎未戢人並在公而  
學者少可聽公卿一千石六百石子弟在家及將校子

弟見為郎舍人皆可聽詣博士受業其高才秀達學通

一藝太常為作品式從之

晉摯虞決疑云漢初置博士而無弟子後置弟子五十人

與博士俱共習禮儀又增滿五百人漢末至數千人

增獻帝初平四年十月太

學行禮車駕幸永福城門臨觀其儀賜博士以下有差

原魏文帝黃初五年立太學於洛陽時慕學者始詣

大學為門人滿二歲試通一經者稱弟子不通一經罷

遣弟子滿二歲通二經者補文學掌故滿三歲試通三

經者擢高第為太子舍人舍人滿二歲試通四經者擢

其高第為郎中郎中滿二歲能通五經者擢高第隨才  
敘用每試不通者各隨後輩復試試通如前補用 增  
成帝陽朔二年詔曰古之立太學將以傳先王之業流  
化於天下也儒林之官四海淵源宜皆明於古今溫故  
知新通達國體故謂之博士否則學者無述焉為下所  
輕非所以尊道德也工欲善其事必先利其器丞相御  
史其與二千石中二千石雜舉可充博士位者卓然可  
觀 太和二年詔曰尊儒貴學王教之本也其高選博

士才任侍中常侍者申勅郡國貢士以經學為先 四年詔曰世之質文隨教而變兵亂以來經學廢絕後生進趣不由典謨豈訓導未洽將進用者不以德顯乎其郎吏學通一經才任牧民博士課試擢其高第者亟用其浮華不務道本者皆罷退之 劉馥正始中上疏曰

黃初以來崇立太學二十餘年成者蓋寡由博士選輕諸生避役高門弟子恥非其倫學者有名而無實設教而無功宜高選博士取行為人表經任人師者掌教國

子依遵古法使二千石以上子孫年十五皆入大學明  
制黜陟 魏志王肅傳自初平之元至建安之末天下  
分崩人懷苟且紀綱既衰儒道尤甚至黃初元年之後  
新主乃復始掃除太學之灰炭補舊石碑之缺壞備博  
士之員錄依漢甲乙以考課申告州郡有欲學者皆遣  
詣太學太學始開有弟子數百人至太和青龍中中外  
多事人懷避就雖性非解學多求詣太學太學諸生有  
千數而諸博士率皆麤疎無以教弟子弟子本亦避役

竟無能習學冬來春去歲歲如是正始中有詔議園丘  
普延學士時郎官及司徒領吏二萬餘人雖復分布見  
在京師者尚且萬人而應書與議者略無幾人又是時  
朝堂公卿以下四百餘人其能操筆者未有多人皆  
相從飽食而退嗟夫學業沉隕乃至於此是以區區私  
心常貴乎數公者各處荒亂之際而能守志彌篤者也  
數公謂董遇賈洪邯鄲淳薛夏  
隗禧蘇林樂詳等七人為儒宗  
原晉武帝初太學生  
三千人太始八年有司奏太學生七十餘人任四品

聽留詔曰已試經者留之大臣子弟堪受教者令入學

其餘遣還郡國咸寧二年起國子學

法周禮國子貴游子弟國子受教於

師者

惠帝元康三年以人多猥雜欲辨其涇渭於是制

立學官品第五品以上得入國學 增王導上書曰自

頃皇綱失統頌聲不興將二紀矣先進忘揖讓之容後

生惟金鼓是聞干戈日尋俎豆不設先王之道彌遠非

所以端本靖末也今若擇朝之子弟並入於學選明博

修禮之士而為之師化成俗定莫尚於斯帝從之征南



將軍戴邈言庠序廢宜尚道崇儒以勵風化瑯琊王從之始立大學 原東晉元帝時太常賀循上言尚書被符經置博士一人又多故歷紀儒道荒廢學者能兼明經義者少且春秋三傳俱出聖人而義歸不同自前代通儒未有能通得失兼而學之者也况今學義甚頽不可令一人總之今宜周禮儀禮二經置博士二人春秋三傳置三人其餘則經置一人合八人太常車胤上言按三漢舊事博士之職惟舉明經之士遷轉各以本資

初無定班魏及中朝多以侍中常侍儒學最優者領之  
職雖不同漢氏盡於儒士之用其揆一也今博士八人  
愚謂宜依魏氏故事擇朝臣一人經學最優者不繫位  
之高下常以領之每舉太常共研厥中其餘七人自依  
常銓選太興初欲脩立學校惟周易王氏尚書鄭氏古  
文孔氏毛詩周官禮記論語孝經鄭氏春秋左傳杜氏  
服氏各置博士一人其儀禮公羊穀梁及鄭易皆省不

置博士

太常荀崧上疏曰昔武皇帝崇儒術以賈馬鄭  
杜服孔王何之徒章句傳注衆家之學置博士

十九人二十州之中師徒相傳學士如林猶選張華劉  
實居太常之官以重儒教伏聞節省之制皆三分置二  
博士舊員十有九人今五經合九人準古計今猶未中  
半九人以外猶宜增置周易有鄭氏注其書根源誠可  
深惜儀禮所謂曲禮也鄭元於禮特明皆有證據昔周  
之衰孔子作春秋左丘明子夏造膝親受孔子没丘明  
撰其所聞為之傳微辭妙旨無不精究公羊高親受子  
夏立於漢朝多可採用穀梁赤師徒相傳諸所發明或  
是左氏公羊不載亦足有所訂正臣以為  
宜各置一人以傳其學遇王敦難不行  
孝武帝太元

初於中堂立行太學於時無復國子生置太學生六十

人國子生權銓大臣子孫六十人事訖罷

其國子生見祭酒國子單

衣角巾執經一卷以代手板

自穆帝至孝武並以中堂為太學太元

九年尚書謝石請興復國學以訓胄子頒下州郡普脩  
鄉校帝納其言明年選公卿二千石子弟生增造廟房  
屋百五十五間而品課無章君子恥與其列國子祭酒  
殷茂上言臣聞舊制國學生皆取冠族華胄比列皇儲  
而中混雜蘭艾遂令人情恥之詔雖褒納竟不施行

增袁瓌成帝咸康三年上疏曰若得給其宅地備其學  
徒博士僚屬粗有其官則臣之願也疏奏成帝從之國  
學之興自瓌始 原宋武帝詔有司立學未就而崩文

帝元嘉二十年立國學二十七年廢明帝太始中初置  
總明觀祭酒一人有元儒文史四科科置學士十人

增通鑑元嘉十五年豫章雷次宗好學隱居廬山尤明  
三禮毛詩以處士召至建康為開館於雞籠山聚徒教  
授置生百餘人帝雅好文藝十六年使丹陽尹何尚之  
立元學太子率更令何承天立史學司徒參軍謝元立  
文學并次宗儒學為四學帝數幸次宗學館令以巾構  
侍講資給甚厚又除給事中不就久之還山又築室於

鍾山西為招隱館使為太子諸王講自華林東門入延賢堂就業時國子學未立朱膺之庾蔚之並以儒學監總諸生原齊高帝建和四年詔立國學置學生可五

十人取王公以下子孫年十五以上二十以下家去都二千里為限帝崩乃以國諱廢學武帝永明三年詔立學乃省總明觀召公卿以下子弟置生二百二十人其年秋中悉集東昏侯永元初詔依永明舊事廢學時有司奏國學太學兩存焉

領國子助教曹思文上表曰古之建國君人者必教學為先將

以節其邪情化人成俗今制書旣下而廢學先聞將恐  
觀國之光有所闕也若有國諱宜廢昔漢武立學爰洎  
元始百餘年中未嘗暫廢其間豈無國諱永明以德太  
子故廢斯非古典尋國之有學本以興化致理故記云  
天子出征受命於祖受成於學今之國學即古之太學  
天子入國學以行禮也太子入國學以讓齒也太學之  
與國學斯是古代殊其士庶異其貴賤耳然貴賤士庶  
皆須教國學太學兩存之也時立學太尉王儉復依晉  
代國子生單衣角巾執經代手板也

增宣武時復詔營國學樹小學於

四門大選儒生以為小學博士員四十人雖黌宇未立  
而經術彌顯時天下承平學業大盛故燕齊趙魏之間  
橫經著錄不可勝數大者千餘人小者猶數百州舉茂

異郡舉孝廉對揚王庭每年逾衆 梁武帝天監四年

置五經博士各一人又置胄子律博士 五年置集雅

館以招遠學 又詔皇太子及王侯之子年在從師者

皆入學幸國子學策試胄子賜訓授之司各有差 陳

天嘉以後稍置學官雖博延生徒成業蓋寡其所採掇

蓋亦梁之遺儒 齊時師保凝丞皆賞勲舊國學博士

徒有虛名惟國子一學生徒數十人耳胄子以通經進

仕者惟博陵崔子發廣平宋游卿而已 周武帝保定



三年幸太學以太傅燕公于謹為三老而乞言焉天和  
九年詔諸胄子入學但束修於師不勞釋奠釋奠者學  
成之祭自今永以為式 原隋文帝開皇中國子寺不  
隸太常自前代皆屬太常也 增煬帝即位後開庠序

國子郡縣之學盛於開皇之初徵辟儒生遠近畢至使  
相與講論得失於東都之下納言定其差次以奏聞於  
時舊儒多已凋亡惟信都劉士元河間劉光伯拔萃出  
類學通南北博極今古後生鑽仰諸經義疏縉紳咸宗

師之旣而外事四夷戎馬不息師徒怠散盜賊羣起方  
領矩步之徒亦轉死溝壑經籍湮沒於灰燼矣 原唐

貞觀五年太宗數幸國學遂增築學舍千二百間國學  
太學四門亦增生員其書算各置博士凡三千二百六  
十員其屯營飛騎亦給博士授以經業無何高麗百濟  
新羅高昌吐蕃諸國酋長亦遣子弟請入國學之內八  
千餘人國學之盛近古未有置弘文館於上臺生徒三  
十人置崇文館於東宮生徒二十人

皆以皇族總麻以上親皇太后皇后

大功以上親散官一品中書門下平章事六尚書功臣  
身食實封者京官職事正三品供奉官三品子孫京官  
職事從三品中書黃門侍郎子孫為之並尚書省補  
西京國子監領六學生徒皆尚書省

補一曰國子學生徒三百人分習五經一經六十人  
文武官三品以上及國公

子孫從二品以上之曾孫為之二曰太學生徒五百人每一經百人  
四品五品及郡

縣公子孫及從三品之曾孫為之三曰四門學生徒千三百人分經之  
制與大

學同其五百人以六品七品及侯伯子男之子為之其八百人以庶人之俊造者為之四曰律學

生徒五十人取年十八以上二十五以下以八品  
九品子孫及庶人之習法令者為之五曰

書學生徒三十人以習文字者為之六曰算學生徒三十人以習

計數者為之凡二千二百一十人州縣生徒有差凡諸學皆

有博士助教授其經藝每歲仲冬郡縣館監課試其成者長吏會屬寮設鄉飲之禮 增高宗龍朔二年東都

置國子監明年以書學隸蘭臺算學隸秘閣律學隸詳刑 中宗神龍二年勅學生在學各以長幼為序初入學皆行束修之禮禮於師國子太學各絹三匹四門學絹二匹俊士及律書算學州縣各絹一匹皆有酒脯其束修三分入博士二分助教 詔宗室三等以下五等

以上未出身願宿衛及任國子生其學業成而堪貴者  
宗正寺試送監舉如常法三衛番下有願入學者聽附  
國子監太學及律館習業藩王及可汗子孫願入學者  
附國子學讀書 明皇開元五年始令鄉貢明經進士

見訖國子監謁先師學官開講問義有司為設食清資  
五品以上官及朝集使皆往閱禮 七年又令弘文崇  
文國子生季一朝參又敕州縣學生年二十五以下八  
品子若庶人以二十一以下通一經及未通經而聰悟

有文詞史學者入四門學為俊士即諸州貢舉省試不第願入學者聽 天寶十二載敕天下罷鄉貢舉人不  
由國子及郡縣學者勿舉選 代宗廣德二年詔曰古  
者設太學教胄子雖年穀不登兵革或動而俎豆之事  
不廢頃年戎車屢駕諸生輟講宜追學生在館習業度  
支給厨米 國子監成以魚朝恩行內侍監判國子監  
事中書舍人常袞言成均之任當用名儒不宜以宦者  
領之不聽命宰相以下送朝恩上 憲宗元和二年置

東都監生一百員自天寶後學校益廢生徒流散永泰中雖置西監生而館無定員於是始定生員西京國子館生八十人太學七十人四門三百人廣文六十人律館二十人書算館各十人東都國子館十人太學十五人四門五十人廣文十人律館十人書館三人算館二人後唐天成三年正月中書門下奏以祭酒之資歷朝所貴爰從近代不重此官况屬聖朝方勤庶政須弘雅道以振時風望令宰臣一員兼判國子祭酒敕宜令

宰臣崔協兼判其年八月十一日宰臣兼判國子祭酒  
崔協奏請國子監每年祇置監生二百員候解送至十  
月三十日滿數為定又請頒下諸道州府各置州學如  
有鄉黨備諳文行可舉者錄其事實申監司方與解送  
但一身就業不得影庇門戶兼太學書生亦依此例不  
得因此便取公牒輒免本戶差役又每年於二百人數  
內不繫時節有投名者先令學官考試校其學業深淺  
方議收補姓名敕宜依 宋初增修國子監學舍修飾



先聖十哲像畫七十二賢及先儒二十一人像於東西  
廊之板壁 仁宗慶歷二年侍講王洙言國子監每科  
場詔下許品官子弟試藝給牒充廣文太學律學三館  
生或至千餘人即隨秋試及科場罷則生徒散歸考官  
倚席若此但為游士寄應之所殊無國子肄習之法國  
子監詳定請自今試補學生聽讀五百日方許取解又  
國子監惟七品以上子孫試補八品以下至庶人子弟  
不與致容僞妄請倣唐制立四門學示國家育才之廣

詔可 四年判監王拱辰等言首善自京師漢太學二百四十房千八百餘室生徒三萬人唐學舍亦千二百間今國子監才二百楹不足以容學者請以錫慶院爲太學從之明年三司言更造錫慶院乏財費多乃復以太學爲錫慶院 皇祐末以胡瑗爲國子監講書專管勾太學數年進天章閣侍講猶兼學正瑗在學時每公私試罷掌儀率諸生會於首善令雅樂歌詩乙夜乃散諸齋亦自歌詩奏琴瑟聲徹於外瑗在湖學教法最

備始建太學有司請下湖學取瑗之法以為太學法至  
今爲著令 神宗熙寧元年增太學生員慶歷中嘗置  
內舍生二百人至是又增置一百尋詔以九百人爲額  
四年侍御史鄧綰言國家治平百餘年雖有國子監  
僅容釋奠齋庖而生員無所容至於太學未嘗營建止  
假錫慶院廊廡數十間生員纔三百人請以錫慶院爲  
太學仍修武成王廟爲右學乃詔盡以錫慶院及朝集  
院西廡建講書堂四諸生齋舍官掌事者直廬略具自

主判官外益至直講總而爲十員率二員共講一經委中書選差或主判官奏舉生員釐爲三等初入學爲外舍外舍升內舍內舍升上舍上舍員以百內舍二百外舍不限員各以其經從所講官受學月考試舉業優等上中書其正錄學諭以上舍生爲之經各二員學行卓異者主判直講復保上中書審察奏除官先有職掌者已受官仍與舊職俟直講教授有闕次第選用 哲宗元祐六年岑象求等言國學設師生而禁其謁見無從

叩問禮部詳度許從長貳請益仍立講訓考課之式私  
試既不鎖宿則是日講說亦不廢

徽宗崇寧元年命

將作少監李誠即城南門外相地營建外學是爲辟雍  
蔡京又奏古者即內外皆有學周成均蓋在邦中而黨  
庠遂序則在國外臣親承聖詔天下皆興學貢士即國  
南建外學以受之俟其行藝中率然後升諸太學凡此  
聖意悉與古合今上其所當行者太學專處上舍內舍  
而外學則處外舍生太學上舍本額一百人內舍二百

人今貢士盛集欲增上舍至二百人內舍六百人外舍  
三千人外學爲四講堂百齋齋列五楹一齋可容三十  
人士初貢至皆入外學經試補入上內舍始得進處太  
學太學外舍亦令出居外學俟學成奏行之其勅令格  
式悉用太學見制國子祭酒總治學事外學官屬司業  
丞各一人稍減太學博士正錄員歸外學仍增博士爲  
十員正錄爲五員學生充學諭者十人直學二人俟貢  
士至爲之置諸王宮大小學教授立考選法 詔取士

皆從學校三舍廢科舉法 大觀三年提舉淮東常平  
徐畝言陰補入官人須隸學及一年不犯上三等罰方  
許就銓試嘗再入等即免銓試公私試嘗為第一人比  
銓試推恩從之 高宗建炎初詔即駐蹕所置國子監  
立博士二員以隨駕之士三十六人爲監生 十三年  
始建太學置祭酒司業各一員博士三員正錄各一員  
養士七百人上舍生三十員內舍生百員外舍生五百  
七十員凡諸道住本貫學滿一年三試中選不犯第三

等以上罰或雖不住學而曾兩預釋奠及齒於鄉飲酒者聽取應充弟子員是歲秋季始開補就試者五千人自後春秋兩補三舍舊法凡四百十條紹興重修視元豐尤密 王喚知臨安府括民間冒占白地錢歲入十二萬緡有奇爲太學養士之費 孝宗隆興三年黃倫以兩優釋褐自紹興建學至是始有兩優用崇寧恩例授承務郎國子錄 光宗紹熙二年禮部侍郎倪思請混補以徠多士詔兩省臺諫可否於是禮部尚書趙汝



愚等合奏曰伏奉詔書講論混補之法蓋有根本之論  
稍師古始而言我國家恢儒右文列聖一揆內自京師  
外至郡縣皆有學慶歷以後文物彬彬幾與三代同風  
迨至崇寧創行舍法誠得黨庠遂序之遺意故一時學  
者粗知防檢非冠帶不敢行於道路遇鄉曲之長及學  
校之職則斂容而避之習俗誠美矣而其失也在於專  
習經義崇尚老莊廢黜春秋絕滅史學又罷去科舉遂  
使寒酸之士進取無他途事理俱違旋行廢革炎祚中

興始建太學於行都行貢舉於諸郡然奔競之風勝忠  
信之俗違亦惟榮辱升沉皆不由乎學校至於德行道  
藝惟取決於糊名苟爲雕篆之文無復進修之志視庠  
序如傳舍目師儒如路人季考月書盡成文具臣請遠  
稽古制近酌時宜不煩朝廷建官不勞有司增費惟重  
教官之選仍假守貳之權倣舍法以育才因大比而取  
士考終場之數定所貢之員期以次年試於太學庶幾  
士修實行不事虛文漸復淳風仰裨大化有三舍之利

而無三舍之害其諸州教養課試升貢之法下有司條  
上思議遂寢時朱熹門人或問三舍法如何熹曰欠去  
根頭理會若太學無非望之恩又於鄉舉額窄處增之  
則人自安鄉里矣 寧宗慶元二年以國子生員多僞  
濫制自今職事官期親釐務官子孫乃得試補凡監學  
生皆給綾牒若告謁在外遇科舉則試於漕司 元太  
宗六年以馮志常為國子學總教命侍臣子弟十八人  
入學 世祖至元八年正月始下詔立京師蒙古國子

學教習諸生於隨朝蒙古漢人百官選子弟俊秀者入學然未有員數 至元十四年立國子學而定其制設博士通掌學事分教三齋凡讀書必先教經小學論語孟子大學中庸次及詩書禮記周禮春秋易博士助教親授句讀音訓正錄伴讀亦以次而傳習之次之抽籤令諸生復說其功課對屬詩章經解史評則博士出題生員具稿先呈助教俟博士既定始錄附課簿以憑考校 至順二年制舉童子皆以天資穎悟超出兒輩或

能默誦經文書寫大字或能綴緝辭章講說經史並令  
入國子學教育之惟張泰山尤精篆籀陳元麟能通性  
理葉留耕問以四書大義則對曰無過事父母能竭其  
力事君能致其身時人以遠大期之 原班彪奏曰臣  
聞師曰太學明堂辟雍者禮樂之府詩書之林也 增  
三輔舊事曰漢太學在長安門東書社門立五經博士  
員弟子萬餘人學中有市有獄光武東遷學乃廢黃  
圖曰禮小學在公宮之南太學在城南就陽位也去城

七里王莽為宰衡起靈臺作長安門宮南去提三百步起國學於郭內之西南為博士之宮寺門北出正於其中央為射宮門西出殿堂南嚮為牆選士肄射於此中此之外為博士舍三十區周環之此之東為長滿倉北為會市但列槐樹數百為隧無牆屋諸生朔望會此市各持其郡所出貨物及經書傳記笙磬樂相與買賣雍雍揖讓或論說槐下其東為太學宮寺門南出置令丞吏詰奸宄理詞訟五博士領弟子員三百六十六經三

十博士弟子萬八百人主事高弟侍講各二十四人學士同舍行無遠近皆隨檐雨不塗足暑不暴首司馬氏曰易曰君子多識前言往行以畜其德孔子曰辭達而已矣然則史者儒之一端文者儒之餘事至於老莊虛無固非所以為教也夫學者所以求道天下無二道安有四學哉東坡蘇氏曰學莫盛於東漢士數萬人噓枯吹生自三公九卿皆折節下之三府辟召常出其中其取士議政可謂近古然卒為黨錮之禍何也曰此

王政也王者不作士自以其私意行之於下禍敗固宜  
致堂胡氏曰東晉請建學校者惟戴邈與袁馮三君  
子懇懇言之而終不能革清談之俗還孔孟之教任是  
責者其庾亮乎 朱子大學章句序曰人生八歲則自  
王公以下至於庶人之子弟皆入小學而教之以洒掃  
應對進退之節禮樂射御書數之文及其十有五年則  
自天子之元子衆子以至公卿大夫元士之適子與凡  
民之俊秀皆入大學而教之以窮理正心脩己治人之



道此又學校之教大小之節所以分也

## 太學二

原右學

殷制

東膠

周制

學官

漢立太學之官

書府

教胄子

虞書帝曰夔命汝典樂教胄子注胄子國子也

糾學士

通典東膠所以糾收學士

養雋

德

魏文侯孝經傳曰太學中學也庠言養也所以養雋德也

示敬道

學記曰太學始教皮弁祭

菜示敬道也

博士掌教

劉馥疏曰宜高選博士取行為人表經任人師者掌教國子

師氏詔王

一詳學

教學為先

古者建國教學為先

入學以齒

皆以

長幼為序不以尊卑為差

承師問道

詳大戴禮見學一

化民成俗

一詳學

增教養

周禮保氏掌諫王惡而養國子以道乃教之六藝

論說

禮記大司成論說在

東序光武立學

東觀漢記光武五年初起太學

裴頠刻經

晉惠帝時裴頠奏脩

太學刻寫石經

三代學

孟子曰夏曰校殷曰序周曰庠學則三代共之

四代學

禮見

記詳學一

漢設學

漢室龍興開設學校旁求儒雅以闡大猷

唐廣學

太宗廣學舍十

三百區

補弟子

後順帝紀詳學一

增遊學

順帝感翟酺之言乃更脩黌宇凡所

造構二百四十房千八百五十室自是遊學增盛至三萬餘人

圜橋門

詳學一

祭瞽

宗一詳學

營國子監

建隆三年始營國子監置學舍詔有司增脩祠宇塑繪先聖先儒之

像車駕臨幸

廣錫慶院

慶歷四年王拱辰言國子監才二百楹制度狹請以錫慶院為太學

葦講殿備  
乘輿臨幸

原傳習雅言 討論大義 揚先儒之風

知要道之善 既闡文明之教咸五登三 將令儒  
學之徒聞一知十

### 太學三

原銘後漢李尤太學銘曰漢遵禮典崇興六藝修周之  
禮掃秦之弊褒建儒宮廣置異記開延學者勸以爵位  
增表宋蘇軾賀駕幸太學表輦回原廟既崇廣孝之風  
幄次儒宮復示右文之化禮行一日風動四方臣聞五

學之臨三代所共蓋天子不敢自聖而盛德必有達尊  
在漢永平始舉是禮雖臨雍拜老有先王之規而正坐  
自講非人主之事豈如允哲退託不能奠爵伏興意默  
通於先聖橫經問難言各盡於諸儒恭惟皇帝陛下文  
武憲邦聰明齊聖大度同符於藝祖至仁追配於昭陵  
爰舉舊章以興盛節臣早塵法從久侍經幃永矣馳誠  
想聞合語於東序斐然作頌行觀獻馘於西戎

御定淵鑑類函卷一百六十